

SCHLENDRIANUS

CELEBRIS PRACTICORUM

MAGISTER


BREVI SCHEDIASMATE

NEO-PRACTICIS FORENSIBUS
COMMENDATUS

PER

GUILIELMUM FRANCKENBERG.

Utr. Jur. Lic. & Advoc. Patriæ Ord.



COLONIÆ, Anno 1720

SCHEIDT & CO.

CHIEF PRACITICORNS

REGISTER

DEPT. OF COMMERCE

AND PRACITICIS FOR ENRICHES
COMMITTEES


PER

GUILLELMUS FRANCKENBERG

1890 [with 21 illustrations]



REGISTERED



APHORISMUS I.



NON est novum, res valde utiles, & maxime necessarias, quia ubique sunt obviae, parvi haberi & pedibus conculcari. Idem accidit celebri *Schlendriano*. Quotus quisque enim est, qui audito nomine *Schlendriani*, sibi non imaginetur aliquid rei per vulgari, quae contentui habenda sit, seu pulvis terrae. Et tamen, si recte in eas rationem, nihil reperietur utilius, imo plane necessarium, quam ut quis *Schlendriano* utatur familiariter. Hic enim est, qui aptos red-

dit homines ad officia publica , Ecclesiastica , Politica , Aulica , Forensia , Academica & reliqua. Parva prudentia regi mundum , dudum existimavêre Philosophi. Hanc prudentiam docet *Schlendrianus*. Videamus itaque an à contemptu possit liberari Magister, per insignem, quam ostensus sum , & utilitatem , & facilitatem.

APHOR, II.

Inter causas evilescentis existimationis *Schlendriani* credo esse etiam nominis originem , quam putant , probabiliter quidem , à voce *Schlendern* descendere. Id equidem certum est , Germanicam Linguam substantiva, quæ in *ian* exeunt, non habere ; v. *Schottelii opus de Lingua German. Lib. II. Cap. XI. Von der Ableitung* , adeoque adscititiam esse terminationem in *ian* , nam promiscue dicitur *Schlender* & *Schlendrian* , & terminatio in *ian* facta est ad imitationem vocis *Grobian* , vel *Plumprian* : verum id in contemptum *Schlendriani* accidisse puto : Et usum vocis *Schlendern* abjectum nimis esse crediderim , quam ut habenda sit pro origine celebris nostri *Schlendriani*. Nam usus popularis est talis , ut indicet incessum hominis incurium, non satis attenti ad causam suæ ambulationis

nis. Hinc dicunt , *er schlendert so mit* , de homi-
ne non magnâ industriâ , qui per imperitiam con-
tentus est qualitercunque res à se gerantur , mo-
do aliquo possit esse numero , imitando aliorum
agendi , loquendi , scribendique modos externos,
ita ut inter ceteros numeretur magis , quam habeat-
ur ex iis , qui ad nominis celebritatem aspirare
queat. Absit ut putes , amice Lector , me hic
descripsisse *Schlendrianum*. Majorem honorem
deberi ei credas velim. *Schlendern* & *Schlenkern* sunt
verba valde affinia , sicuti phrasès *Schlendern gehen* :
Und Schlenckern gehen : : Ambæ nihil magnifici
prædicantes , sed nihil ad *Schlendrianum* pertinen-
tes. Miror , quod contemptores non etiam affinita-
tem statuunt cum voce *Schlaudern* , quæ dicitur
de iis , qui agunt dissolute , vel cum voce *Schä-
ckern* , quæ indicat gesticulationes ebriorum more
lascivientes : est enim ab Hebræo vocabulo *Schä-
cker* , quod significat ebrium. Populariter usurpa-
tur de iis , qui asinorum vel juvencorum more pe-
tulanter colluctantur. Si quis formaret substan-
ti-
va *Schlenkrian* , *Schlaudrian* , *Schakrian* , per
me liceret , modo fiat sine detrimento nostri
Schlendriani.

Spreta itaque origine à voce *Schlendern* , pu-
tarem derivandam esse vocem *Schländrian* à
primitivo germanico *Schlau* ; Quod denotat

sollicitum & providum, vide *des Spaten* (*Scilero*
 erat nomen illi viro celebri & in excolenda Lingua
 vernacula admodum versato) *Zeutschen Sprach-
 Schatz* voce *Schlendern*; quam ille etiam deducit à
 voce *Schlaw*; quod suo loco relinquo; sed
Schlendrianum omnino à *Schlaw* derivat existimo.
 Id enim cum significatione optime convenit.
 Non vero cum isto Auctore facio, quod *Schlendria-
 num* dicat ibidem hominem indoctum; inertem,
 & extendi; ait; vocem *Schlendrianum* ad Nota-
 rios (omittit Auctor reliquos forenses Practicos) im-
 peritos; inscios; quos vulgo *Formularios* & *For-
 mularistas* appellant. Hic enim vocabuli usus cum
 origine *Schlaw* minime convenit: contraria enim
 sunt, caute agere & sollicite; & agere negligenter
 atque imperite: Nimirum virtutis est, etiam de-
 fectus suos obtegere. Itaque si quis impetitiū su-
 am pallio *Schlendrianum* velare scit; ita ut pro
 Philosopho nihilominus habeatur; quis dubitet
 hunc ceu hominem cautum, callidum, providum in
 honore & existimatione futurum. Talis ergo erit
 verus & bonus *Schlendrianus*. Sed ne ipsa vocis
 compositio Germanico-Latina, Latinitas aures offen-
 dat; consideret quæso lector amicus; esse nudum
 sonum satis subtilem; quo aures humanæ non ita
 offendi possunt, quam colaphis vel ruditu asino-
 rum.

rum. Priscianus dicitur vapulare, si quis in latina lingua adversus Grammaticæ regulas peccet. Sed an ipse Cæsariensis Grammaticus tanta lenitum teneritate præditus fuerit, ut verberibus affici serio maluerit, quam audire peccatum adversus præcepta sua, ego relinquo. Orbilius discutiendum. Nobis licet placeat venustas sermonis, confirmanda tamen est patientia, si alii proferant Barbarismos, Solæcismos & nescio quæ figmenta nova Latine Lingue, modo quid velint dicere intelligamus. Dolenda est ea in re discendum in Scholis inertia, adeo ut ex centum vix unus alterque discat scribere latine, cum vix discant latina. Equidem mirum non est, ostendi sensus venustati sermonis adæretos, si vocum latinarum figmenta aut germanissimi horridi in usum, & quidem ubi serio res agitur, irrepant, v. g. *manutactorie*, pro *palpabiliter*. *Factum furcabile* pro *furca dignum*. *Adversarii intentionem conclavare* pro *impedire vel elidere*. *supplica indecreta* pro *non expedita*. & similes loquendi sartagines, adeo ut imperitorum alter alterum sequatur & phrasin elegantem se didicisse sibi quasi gratuletur. Vereor ne aliquando audiruri simus, à novitiis fori Practicis muliloquis, gloriosis insulis, nescio quæ *cicilendra*, *polindra*, *bappalopsides*, *sancaptides*, aliaque nuga-

cissi-

cissima, ad exemplum coqui Plautini, qui hominum avaritia dicebat se factum improbiorem, non suopte ingenio, in *Pseudol. act. 3. scen. 2.* Ita hi, hominum imperitia stultitiaque, non suopte ingenio, dicturi sunt bardos se esse redditos, ut fastidiant Hadrianos & Bembos Cardinales, Muretos, Balbinos, Schoros, Wendelinos, aliosque recentioris ætatis, qui post priscos Eloquentiæ Magistros elegantiam latini sermonis juxta puritatem tradiderunt conservaruntque. Cum Wetzlaris accessus mihi daretur ad scrinia & libellos celebris cujusdam Procuratoris, cui Leodienses causæ præcipuæ erant commendatæ, fateor mihi sæpius stomachum movisse stylum latinum incultissimum plerorumque Advocatorum Leodiensium, (de omnibus enim id affirmare religio est, & sunt sane apud Leodienses Jcti & Advocati præclarissimi, omni laude dignissimi & paucissimi tamen inter sexcentos) ut in mentem venerit, ob solam barbariem sermonis impeditiores esse causarum istarum unam, quam ex Germanicis plures, ceteris paribus. Ferenda tamen hæc sunt, quæ nec ego nec tu emendare possumus. Redeo ad *Schlendrianum*. Sufficit rem esse utilem, vocabulum ergo dari oportebat & fingi, quo exprimeretur. Sane commodiori non poterat exprimi *Sollicita rerum externarum in officio quocunque*

cunque publico observandarum , in verbis , formulis & gestibus imitatio, ad locum qualitercunque substinendum utilis, doctrina tamen solidioris adjumento non instructa, quam per vocem *Schlendrian*. Dico imitationem sollicitam , hoc enim prædicato distinguitur *Schlendrianus* ab imitatione negligenti & dissoluta. Alius certè est clamor graculi alius lusciniæ cantus. Talem imitationem *Schlendrianum* qui vocaret , honori ejus multum detraheret. Addidi : non esse instructam doctrina solidioris adjumento , hanc enim *Schlendrianus* tanquam rem necessariam ad officium gerendum tantoperenon curat , laudat quidem, sed faciliiori cursu eandem lauream acquirere se posse confidit.

APHOR. III.

Quemadmodum vero hominum plerorumque ingenia ad exemplum Platonis Philosophi comparata non sunt , ut esse, quam videri malint boni , sed inverso ordine , videri malunt plurimi , quam esse periti & prudentes. Ita deridendi merito erunt qui *Schlendriano* bene uti non sciunt , arripientes quæcunque audiunt & legunt, atque in exemplum trahunt , ipso *Schlendriano*

B

ineptio-

ineptiores. Cum ita deberent uti , ut solida rerum cognitione destituti (nam qui hanc possident *Schlendriani* solatio opus non habent) imperitiam suam obtegant , & caute Magistrum suum in auxilium vocent. Qui in cauti sunt , & inscitiam produnt , hos *Schlendrianos* potius quam *Schlendrianos* appellare oportebit. *Schlendrianus* verus sollicitudinem habet , ut sub specie *styli Curia* sese in altum erige sciat , & , si nonnunquam ei detrahatur larva , cumprimis ab iis penes quos solidior doctrina est atque experientia , rursus cum cautione debita submittat caput. Qui male eo uritur , & pro vera sapientia aut doctrina coram doctis audet venditare , statim suam prodire inertiam.

Verum ut ad fines suos redigatur *Schlendrianus* , dicendum est qui distet à *Stylo*. Stylus ad consuetudinem pertinent. Hæc ex diuturnis moribus , consensu utentium , cumprimis vero superiorum , comprobatis , nascitur. Pari ratione fit *stylus*. Magis tamen ab usu superiorum quam inferiorum derivandus. Nam quæ inferiores agere consuevere , fiunt sæpius contra Leges , talia *styli* nomine , sed perperam venditantur. Fundamento igitur certo nititur *stylus* habetque suam rationem. Hinc & legem imitatur. Non loquor
de

de *stylo* in *Titulis* horum , quem nonnunquam plumbeum imo cereum esse factum ostendit *Eybenius Dissert. de Stylo Curia* , sed generaliter de modo agendi externo in quocunque officio publico , lege expressa non præscripto vel approbato. Certe *stylum* suum habent officia Ecclesiastica , Aulica , Forensia , Academica. Habent quoque suum *Schlendrianum* ; *Schlendrianus* imitatur saltem *stylum* , & quandoque , ut ait Cicero , claudi more pilam tenet. Non à moribus approbatis procedit , sed ab imitatione aliorum , quam si quis sciat facere caute & cum cura , toleratur inter ceteros , si vero negligenter , mulctandus erit , non quia *Schlendrianum* secutus , sed quia male eo est usus : Præscripta legum tenere , hoc ad *Stylum* non pertinet , multo minus ad *Schlendrianum*. In legum externa adplicatione , *Magister Schlendrianus* de vi & potestate legum parum instructus , aliquid sibi sumit.

Exemplo forensi res declarari potest. Quæ sint requisita supplicæ pro imperrandis appellationis processibus , Legibus est præscriptum. Has leges recte ad facti & personarum circumstantias adplicare , & supplicam bene componere , prudentis est *Advocati*. *Schlendrianus* prudentia efforman-

di suo marte supplicam destituitur , hinc ad formulas remittit , quas si quis seligere , & mutatis murandis , supplicam bene consarcinare sciat , ita ut futuræ non appareant , potest haberi pro perito , quousque defectus interni obtecti maneat. Si vero quis formula undiquaque arrepta utatur , & , quod fit sæpenumero , (etiam in supremis Judiciis , si Procuratores amanuentibus suis curam supplicæ committunt , quando ipsis commodum non est , ut relegant & emendent. Relatum refero à commilitonibus in familiaribus colloquiis cum Wetzlaræ essem) male ad circumstantias facti accommodent , tales credo ab ipso *Schlendriano* vapulatu-ros esse , quod Magistro non didicerint uti cautius.

Aliud exemplum Ecclesiasticum. Nihil frequentius quam usus Librorum qui comprehendunt Homilias sacras. (Libros tales vocant Postillas , à dicto antiquorum : Legantur Evangelia *post illa* Homiliæ) Quod si quis satis instructum semet ipsum crediderit , si ex homiliis pluribus aliam componere sciat , poterit forte populariter pro bono Ministro Ecclesiæ haberi. Si vero quotannis eadem chorda oberret , vel nonnisi conscriptas aliquot orationes habeat , quas cujusvis anni vel triennii decursu in concione

nc

ne declamet , talem *Schlendrianum* inertem mox deprehendunt etiam non literati & despiciunt.

APHOR. IV.

Regnat scilicet *Schlendrianus* in Ecclesiasticis officiis & Politicis, Aulicis, Forensibus, Academicis, & ubi non ? Sufficere enim ut faciat quis qualitercunque officium suum , reliqua à fortuna dependere , plerique credunt. Et comprobatur rei veritatem atque commoditatem experientia quotidiana. Didicisti nonnihil latini sermonis : Annum forte egisti in Academica : ad compendii alicujus Theologici expositionem adnumeratus fuisti : ex homiliis vel impressis vel concriptis construere orationem sacram & memoriæ mandare consuevisti : Nihil deesse tibi puta ad Officium Ministerii in mediocri loco obtinendum quam favor eorum qui jus vocandi habent. Si aliquid ex Græca lin- & Hebræa didiceris , & flosculos Rhetoricos vel etiam Poeticos & Lemmata dudum decantata intermiscere : tunc sane existimationem præclaræ eruditionis ambies , & obtinebis , ab iis scilicet qui meliora nesciunt. Si inveniatur qui *Schlendriano* detrahare pallium audeat : qui forte dicet : Tu nil nisi vox es : tu barba & pallio

B ;

tuo

tuo confusus , supercilium erige in eum , ceu contemptorem officii , publicè invehere , & si per inscitiam tuam licet , ad palinodiam adige , si recuset , clamita hæresin. Animadvertes utiliter , *Schlendrianum* tuum regnaturum. Sed cave ab iis qui sunt te doctiores , nam accipieris pro merito. Ad *Schlendrianicos* Ecclesiasticos accedunt quidem , sed cum estimationis popularis nota meliore , qui credunt præclare se officio fungi & cœtui prodesse , si compositis ad artis Rhetoricæ præcepta sermonibus , additis suapte ingenio flosculis emblematum & lemmatum , eloquentiam suam ostendent. Quasi vere oratio sacra si istiusmodi elegantis careret , vi suâ & scopo excideret. Meminisse oportet verborum sapientiæ divinæ Magistri summi *Matth. XIII. v. 52. junct. Luc. VI. v. 44. 45.* Itali oratores facri , nisi in suggestu , qui ad modum ambulacri factus est , decursitent , gestus & motus faciei , manuum & totius corporis violentos atque contortos orationi addant , non habentur pro bonis homiletis. Tu ergo ut in numero esse & haberi possis , initaberis *Schlendrianum Romanum* si fueris Romæ , si alibi , sicut ibi. Gestus & elocutio vim orationi addunt. Oratio etiam optime composita sine elocutione & gestu frigebit , & putares

res statuam loqui non hominem. Si tamen ex duobus extremis unum eligendum esset, mallet ego audire statuam verba sacra ex bono thesauro cordis sui proferentem, quam hominem qui tanto cum corporis & vocis motu eloquitur orationem, ut insanire cum vel histrionem agere putaturus sit, qui rei non est assuetus. Sed meum non est consilium Schlendrianismos sacri ordinis hic depingere & Anagyrim commovere, factum id satis in Erasmi *Encomio Moria*, & novissime in *Charletaneria Eruditorum*.

APHOR. IV.

Dicam potius de Schlendriano Politico. In Principum Aulis quoque Schlendrianismum regnare experientia docet. Mutatur autem ejusdem forma mutatis personis. Et sicut Aularum vicissitudines sunt frequentiores, ita & *Schlendriani*, qui regitur ad exemplum, mores, inclinationes Principis vel Magnatum. Igitur si noveris componere tuum corporis habitum, tua verba, tuosque gestus, ad indolem in Aula regnantem, reliqua à fortuna expecta. Memini viri cujusdam aulici, qui, licet ad officium Præfecti superioris se minime sufficientem ipse agnosceret, tamen

tamen postulare non erubescibat , quia si dignus esset , deberi sibi aiebat ex merito , sed se sperare à gratia Principis. Tunc vero fore gratiam , si officium conferretur ei qui dignus non esset , Schlendrianum facile addisci posse. Neque fuit inutilis ei hæc Philosophie. Vidimus alibi sæpius morem , per varios gestus & motus corporis quasi ad numerum & mensuram distinctos sese inclinandi , si Princeps in prandio accumbenti secum , propinaret. Qui hos gestus probe sciebat imitari , ceteraque quæ in Aulis usu veniunt , perferre , cum venerationis externa demonstratione , atque , ut ait Comicus , *ut cunque in alto ventus est , exin vela vertere* , is pro expertissimo Aulico habebatur juxta illius temporis praxin. Equidem omnis morum & externorum actuum imitatio non est *Schlendrianus*. Nam & prudentiores externis rebus sese conformant , sed cum moderamine & sine affectatione , observantes ea ratione *decorum politicum*. Est enim hoc , ex definitione celebris nostri temporis & Jcti & Philosophi , *Imitatio rationalis ex virtute complacentia orta , hominum nostri Status qui pro præcipuis aut præstantissimis haberi solent , in actionibus quæ non repugnant regulis universalis honesti justique decori*. Prudentia summa Aulica est injurias tolerare

re

re & gratias agere. Qui hoc sciunt, viri sunt prudentissimi. Injuria non cadit in virum sapientem dictum est Senecæ in Libro *de Constantia sapientis*. *Schlendriani* accipiunt injurias facile. Gloriam in imitatione sollicita quidem, sed sine doctrinæ adjuvamento, ponunt. Si caute fiat, tolerantur, si inepte, periculum existimationis mox experiuntur. *Schlendrianica* imitatio oritur non ex virtute complacentiæ sed ex defectu doctrinæ solidioris, & opinione quod ad officium gerendum eâ tantopere non indigeat.

In forensi praxi *Schlendrianus* omnem paginam facere creditur. Factus es dupondius in Academia, posthac titulum Licentiati vel Doctoris periculo tuo retulisti, formularios Auctores leviter inspexisti, ad summum Advocati cujusdam celebris scrinia adire, & *bona mixta malis* inspicere licuit tibi, postulabis & flagitabis ut ad numerum recipiaris. Sufficere credes producere specimen quaecunque Academicum pro summis in utroque Jure honoribus consequendis, etiam ab alio, si ipse non audes, elaboratum, vel Theses abs te collectas, aut thema confarcinatum. Temporis penuria dabit tibi excusationem. Nam *L. ii. C. de Advoc. divers. judicior.* quæ testimonia jurata peritiæ juris requirit, dudum abiit in desuetudinem. Neque

C

que meminerunt Dicasteria suprema semper in recipiendis Advocatis moniti saluberrimi Meviani *p.l. decis. 189.* Ut ergo recipiaris in Advocatorum numerum, fortunæ esse beneficium puta, non doctinæ meritum.

APHOR. V.

Schlendrianum forensem dico, qui in imitatione externarum formularum, cauta tamen & sollicita, consistit, ita ut defectus doctrinæ ceu internæ qualitatæ, quantum fieri potest occultetur. Inepti sunt, non *Schlendriani*, qui hoc nesciunt. Si imperitiâ excusare velint, doctiores non audire, ad aliorum gregem dimittendi. Regnat inquam *Schlendrianus* in foro tantopere, ut nisi quis audiat, & *Schlendrianum* consulat in principio, nunquam evasurus sit practicus. Duo sunt præcipue ait Erasmus in *Encomio Moria*, ad cognitionem rerum parandam obstacula, pudor, qui fumum offundit animo, & metus, qui ostento periculo dehortatur ab adeundis facinoribus. Quem ita pudor afficit ne forte à doctioribus corrigatur, vel metus, ne per imperitiâ impingat, is ad forense officium nunquam erit aptus. Magnifice ab his liberabit *Schlendrianus*. Disce imitari formulas, generalia methodi

methodi præcepta , fac officium qualitercunque , in numerum aliquem relatus , non ejicieris. Et sic *Schlendriano* tuo præcipua accepta feres , cetera quæ abs te non dependent , fortunæ.

Adeo inquam necessarius est *Schlendrianus* ut ne Judicum quidem omnium Personas exciperem. Quotus quisque enim est qui in principio muneris, methodum causas decidendi non tentaverit cognoscere ex collectionibus relationum publicè evulgatis, non dubitans fore ut in *Schlendrianum* peccasse credatur , si relationem juxta capita illa generalia : Quæ *Actio instituta* ; *An probata* : *An elisa* : Quid *pronunciandum* : non composuerit. Et sane, si ex forma externa distributionis capitum & verbositate laus relationi deberetur, nihil facilius esse crederem quam Judicis officio fungi. Si & reliqua qualicumque modo sese habeant , si *Cardinalis Tusci* Conclusiones, si *Barbosa Axiomata* ad manus fuerint, si adhibita vulgata *Juris Systemata* : Laudem reportabit *Schlendrianus* tuus magis quam si quis ex peregrinis variis , optimis etiam auctoribus centonem excerptorum ad rem nihil facientium confarcinaverit. Huic enim merito obijcietur : *Hic non est locus , proin tu alium quas cui centones farcias.* Ex *Epidic. Act. 3. scen. 4.*

Reprehenditur merito genus referendi fluctuans quod quasi nervis carens huc & illuc dilabitur , non potest sententiam confirmare , neque sese viriliter expedire. Sunt Judicia , utinam multa non essent , in quibus nequidem Actorum Relatio fit in scriptis , sed discursu aliquo prævio & perfunctorio recensetur factum , petitum , & exceptio , confestimque ad sententiam fit progressus. Accidunt hæc cumprimis , ubi pauci sunt quibus Justitiæ administratio est demandata. Ubi ab unius opinione reliqui dependent. Si non placeat partibus , licitum est appellare vel Leutationis remedio uti , & tunc acta ad Collegium Jctorum transmittuntur. Alibi Judex officium suum non nisi in citandis partibus & terminis præfigendis exercet , sententias etiam levissimas , extraneis JCrīs permittit. Quid facilius quam hunc addiscere *Schlendrianum* ? Proinde , si ex iis quæ plerumque fiunt æstimanda est rerum gerendarum ratio , ex judicijs verò plurimi , qui , si *Schlendrianum* callent , satis prudentes se existimant , & pro talibus habentur : Sequitur quod *Schlendrianus* etiam in Judicijs & personis ipsorum judicum suum habeat regnum. In Imperiali Camera aliter se rem habere relatū mihi fuit cum Wetzlarix praxeos addiscendæ gratia versarer , rigidamque censu-

cenfuram subeundam esse Candidatis Assessoratus, accepi. Exigi quidem methodum externam, sed ab internis præcipue, doctrinâ puta & Judicio Referentis, cujus præcipuum signum dilucida facti enodatio, laudes attribui specimini non à conglomeratis allegationibus, quæ ubi ex facti circumstantiis res decidenda, quod sæpe accidit, inutiles sunt omnino. Neminem hic, nisi doctrina solidiori instructus fuerit, periclitari velle, credibile est. Receptos vero ad Assessoratus officium, à senioribus Collegis in ceteris quæ à Candidato non exiguntur, instrui, ut qui operam adhibere velit, brevi regulas teneat, ad circumstantias occurrentes cum judicio adplicandas. Eum in finem misceri in Senatibus plerumque juniores cum senioribus, ut tanto facilius negotia expédiantur. Nullum enim repertum esse qui hic non didicerit. Id quod, credo, in omnibus officiis celebrioribus usu venit. *Les affaires sont les hommes* ajunt gallici magistri. Verum est axioma, sed requiritur subjecti capacitas doctrina & judicium. Experientia sedulaque observatio addit firmitatem & perfectionem.

APHOR. VI.

Satis dixi de Judicibus. Venio ad partes litigantes, præcipue causarum Patronos, nam apud hos præcipue dominatur *Schlendrianus*.

C 3

Qui

Qui vel pudore vel metu afficitur, ad postu-
landum est inhabilis. Nam quæ Cicero monuit,
eos qui optime dicunt quique id facillime atque orna-
tissime facere possunt, tamen non nisi timide ad
dicendum accedere, *L. 1. de oratore*, hoc cum
reliquis ejus monitis ad conciones Romanas anti-
quas pertinere existimandum est. Remedium se-
curum est à *Schlendriano*. Truncum sane esse o-
porteret, qui qualitercunque facto intellecto, pri-
mam à secundo instantia discernere, formalia in le-
gibus & Interpretibus inculcata examinare, tum vero
evoluta Auctore formulario, recensere aliquo modo
factum, & interposito ad suum sensum medio con-
cludendi, petitem aliquod efformare nesciret.
Epistolam non erubescere, dixit idem priscae elo-
quentiæ Princeps, cum postularet satis invecun-
de laudari à Luccejo Historico *v. Lib. 5. Epist. 12.*
Supplicam multo minus erubescere crediderim,
nam relinquitur Judicis discretionis, an petito velit
annuere. Levius hic est periculum imo nullum.
Ad multas commoditates conducit nunquam pu-
descere & nihil non audere. Hoc paucos mortalium
intelligere scripsit *Erasmus in Encomio Stultitiæ.*
Si denegetur petitem, rursus instabit causæ Patro-
nus, rationes denegari petiti divinare tentabit, &
si audacior est, & facundiæ opinionem velut alter
Anti-

Antiphon apud *Thucyd. Lib. 8. p.m. 379.* adeptus, cum iudice expostulabit, donec spes decollaverit omnis. Ecce *Schlendrianum* commodum & facilem, quo, qui scit uti caute, ne per imprudentiam in multam incurrat, laudem sui patrocinii referre poterit egregiam & præmia ampla.

Omnis labor patronorum forensium sit initio, ut processus petiti obtineantur, quia hoc Principali tunc temporis est utile. De eventu, nisi prematur ab adversario principalis, ne sit anxius causæ patronus. Hæc cura relinquatur parti quæ decisione magis opus habet. Is interim sciet, si ita expedit, eam procrastinare. Conspirare autem oportet Advocatum & Procuratorem. Hic plerumque illius nutu regitur. Quid quæto facilius quam petere in principio prorogationes fatalium ad introducendam appellationem. Si causæ nullæ sunt in promptu, allega in posterum docendas : *Aus künftig-zubeseheinsgenden Ursachen.* Exhibe tandem supplicam, & causare adjuncta omnia tibi non transmissa, mox producenda, interim fatalium prorogationem flagita. Satis temporis superest donec à Iudice constringaris. In Libello appellationis, cum præfatione veniæ, *salvo honore*, iudicem priorem nulliter egisse & pronunciassse incusa,

cusa, gravamina accumula, quorum probatione ad obtinendos processus opus non habes. Scis enim ea in re scrupulositati non studere judicem. De eventu tu non est responsurus. Si processus decreretur, nuncius qui insinuavit non revertitur tempore debito, iterum petes prorogationem fatalis reproductionis. Si es reus vel appellatus, expectabis proclama, levi dispendio unius floreni, lucro interim insigni temporis. Præprimis tenendum axioma *Schlendriani*, qui inculcat, *agere caute, ut licet intelligentur artes, tamen vindicari nequeant*. Comparebis tandem, sed petes dilationem ad exceptiones producendas, & has dilationes tam diu repetes donec prescindatur ulterior dilatio per Judicem. Si dilationi petitæ in Judicio ad excipiendum, duplicandum, vel aliud quod oporteret, agendum, adversarius contradicat, invehaturque in moras tuas, studiose ut ait collectas, tu non erubescas ex collectaneis tuis phrasium, singulari elegantia & frequentia commendabilem, *ohngestanden gegentheiligen ohngütigen Angebens*, vultu composito, in continenti reponere, & petere terminum à Judice. Hæc omnia *Schlendrianus* docet, & in usu esse didici, reprobato quidem à superioribus, qui tamen sit impunitus

tus plerumque : Si metuis in contumaciam aliquid decretum iri , allega te scripsisse vel Principali vel Advocato , daß *ausser Zuveiffel aus wuichtigen Ursachen die Antwort unterblieben* , und stelle weitere dilation *Hochrichterlichem Arbitrio anheim*. Vel si urgeat tempus , dic , te accepisse die rechtliche Nothdurfft , müsse erst durchsehen , und ad stylum eingerichtet werden : oder daß etwas daran ermangele , petendo saltem aliquot dies , & sperans ex diebus menses futuros. Interim curam scripti in ordinem redigendi , si opus , & per tuam commoditatem non liceat , alii committe. Ecce rursus elegantem eamque facilem doctrinam *Schlendriani*. Observavi hujus rei praxin in musæis quorundam Dominorum Procuratorum , quæ invisere mihi licuit , eam non fuisse inutilem. Dubito tamen an eadem cautelæ alibi juvare possint v.g. in Judiciis Statuum Imperii Provincialibus , ubi conveniunt Judices certis anni temporibus , neque dilationes tales permittuntur. Alius ibidem erit *Schlendrianus* qui ex cujusque loci praxi observandus cauto Practico. Si es callidus , mox intelliges , & imitaberis. Sæpius tamen audiivi Wezlaricenses Dnos Procuratores culpam in Advocatos extrancos rejicere , qui morarum sint causæ. Hoc ipsum est quod *Schlendrianum* valde juvat , nam si fungi li-

D

cet

ret officio agendo saltem ea quæ Advocatus jubet ,
 facillimum est munus Procuratorium. Advocatus
 scribit: à sententia quadam Judicis inferioris in-
 terpositam appellationem , sed per negotia com-
 plura aliasve causas edi libellum appellationis intra
 fatalia non posse , jubet interim ut petas fatalium
 prorogationem. Tu de novæ causæ patrocinio læ-
 tus , trium linearum schedulam sive supplicam fie-
 ri cura, in qua fatalia prorogari petantur. Et suffi-
 cit si tantum porrigatur scribæ Judicii, non opus esse
 puta expectare decretum Judicis, cui de tuis peti-
 tionibus moratrius raro aliquid constat. Hoc pe-
 litum , licet interim ab Advocato nihil perscriba-
 tur , sapius itera, & observa ut nunquam tempus
 brevius petas , rarissime unius aliquot forte dierum,
 Menses duo vel plures in ore & calamo habere de-
 bes, addito semper, quo magis tempori prospicias, ul-
 teriori spatio per modum additamenti : Duorum
vel trium , trium *vel* quatuor , quatuor *vel* sex
 mensium. Puta enim parvi referre an appellatus
 aliquot mensium intervallo frustretur. Et sic sal-
 vando fatalium cursum , probe functus es officio
 tuo. Interim non negliges Advocatum monere ut
 tandem necessaria ad introducendam appellationem
 tibi transmittat. Is si vult , suo pre studio matura-
 bit. Si mora est utilior , mittet tibi libellum præ-
 grap

grandem, in quo facti narratio erit verbosissima & in circumstanciunculis diffusa , tum vero series gravaminum ad numerum quantum fieri potest , aucta : non quæ ex sententia ipsa resultant sua sponte, sed quæ catalogus gravaminum adversus sententias generalis, quem forte ad manus habes, percurrendum est istud caput , suggerit , & ad casum præsentem quoque modo sunt contorta. Nam eo facilius processus appellationis sperare licet, cum Judex in tanto volumine, aliqua saltem speciem gravaminis ad effectum appellationis habere, est crediturus : Examina tum iri omnia non metue, non enim fert temporis , pluriumque causarum quotidie occurrentium ratio. Adversarius tanto majori labore habebit opus ad refutationem tui libelli, & sic appellans tuus temporis beneficio fruitur : Quandoque Advocatus ne quidem mittit Procuratori omnia ad libellum necessaria. e.g. sententiam præcedentem ad quam sese refert eâ à qua appellatio interposita fuit , multa enim Advocato negotioso accidere possunt ut aliquid prætermittatur. Sicque Procurator causam habebit ulteriorem moram excusandi & culpam in Advocatum rejiciendi. Salubri consilio itaque in aliquibus Judiciis constitutum, ut appellantes & ipsi & Advocati juramento calumniæ obstringantur priusquam appellatio ad-

D 2

mit

mittatur. Verissimum enim est, moræ in decidendis causis primam & ultimam causam esse Advocatos. Quod jam dudum adversus dictærum : Spiræ spirare lites, non expirare, observavit piissimus JCtus Casp. Ziglerus *Diff. Them. III. Cap. 17. §. 6.* Non negaverim aliquando esse moram à parte Judicis. Sed si prolixitati Advocatorum limites poni possent, promptior à Judice foret, credo, decisio. Procurator, Advocati minister, proponit ea quæ ille vult. Excusatio illo, qui totius causæ est director. Conclusionem causæ evitandi non minores sunt cautelæ *Schlendrianica*, ubi certus productorum numerus lege est præfinitus, uti in Camera Imperiali non licet ultra duplicam, vel in causis Mandatorum S. C. ultra replicam progredi : Imperitus foret *Schlendrianus*, qui ignoraret viam, triplicam vel duplicam etiam sine venia Judicis protrudendi. Allegabis nova ab adversario prolata : in protocollo non negliges ad supplicam pro venia triplicandi porrectam te referre, petendo ne quidquam statuatur donec ad acta fuerit admisa, & sic quam à Judice expectabas veniam, tibi ipsi præveniendi dabis. Defensionis favorem omnia sanare existima. Te non satis auditum clama. Si nondum es instructus ab Advocato, hujus mora, morbus, occupationes & nescio quæ excusationum nomina in protocollo alle-

alleganda, ad dilationem proficient. Moritur etiam Advocatus, vel quod frequentius, patrocinium vel verè vel fìcte renunciavit, novus erat quærendus, hic ex magna chartarum mole informationem capere debet. Procurator, si ad causam novus accedat, se pro informatione ex actis, (quam tamen Advocati esse operam non tuam, putabis, tua enim extremis digitis absolvitur) vel tres vel quattuor mensibus opus habere causatur. Et ita primum & ultimum studium *Schlendrianicum* est lucrum quærere temporis. Scis enim decisionem non semper maturari à Judice. Interim tu cum adversario procuratore, qui moræ tuæ contradicit ac si jamjam sententia instaret, strenue & loquaciter colluctaberis. Wetzlariz Audientiz publicæ adstare cuique licet. Ego non facile ullam neglexi. Et sæpius risum movit, cum audirem Procuratorem eundem, qui cum altero dilationis ergo bellum verbale habebat, mox in alia causa, imo eadem, simili modo ab altero excipi. Et sic mutuas fieri objectiones, mutuas vicissim condonationes. Si scriptum aliquod quod tu putas tuo Principali obesse posse, post longas moras, vel saltem Recessus quem putas merita causæ continere, profertur, *Schlendrianus* docet ut petas rejici ab actis, in eventum reserves responsionem. Ego mecum sæpius reputavi, hanc eventualem refer-

vationem tibi magis nocere , quam prodesse. Dicis gratia tantum peti rejectionem ab actis, cum, quid in meritis contineat, nulla à Procuratore facta sit inquisitio. Judex si videbitur necessarium, tibi responsionem injunget. Vidi ego scripta in Musæis Procuratorum conclusionis ergo producenda , cum relationem Actorum urgeri divinaret Procurator, quibus præter scripti ipsius prolixitatem, magnus adjunctorum numerus erat additus. Quæ licet ad rem faciant nihil, tentare tamen licet periculo multæ, à Principali restituendæ. Interim impeditur referens, quia necesse habet farraginem istam per-lustrare, & inutilia ab utilibus discernere. Procurator omnia rejicere potest in Advocatum, quia ipsius non est , sexcentarum, causarum merita scire, & habere enumerata. Scribendum tamen & Advoca-to vel Principali , ut te Procuratorem conceptis verbis de statu rei informet, ne adeundo judicem & sollicitando, minus gnarus videaris causæ cui patrocinaris. Ea quæ tibi scribuntur memoria tene , & diligenter evita, ne ad perscrutandam ulterius tuam notitiam deducaris. Si non es silex , poteris retinere facile ea, quæ tibi in literis paucis verbis significan-tur , & videre bene informatus , gloriam-que tuæ sollicitudinis tibi vindicare, & si bene res ceciderit , de palmario victorem monere non erubescas.

besces. Si eventus voto tuo non respondeat, verissimam simulque facilimam habebis excusationem quod per te non steterit, honorario tuo nihilo fecius frueris.

Dum fervet conflictus ante conclusionem, docet *Schlendrianus*, sapius recessus in tuis causis perorare, hoc enim utile est non solum existimationi, sed etiam crumenæ. Nam omnia faciunt ad augendam summam liquidationis expensarum. Licet enim moderatio Judicis plerumque tantum besset, quandoque vix semissem relinquat, tamen adeo stolidus non eris, ut expectes honorarium post finitum processum. Neque hoc cliens bonus, si abs te velit rem suam curatius agi, patietur. Imo invenies litigantes faciles, præsertim universitates, qui tuæ religioni summam prænumerando pro expensis, concedent, de qua tu rationem es redditurus. Compensanda enim est quantum fieri potest inertia eorum qui te derelinquunt, neque negligenda occasio pinguior. Sæpissime expensæ compensantur per sententiam Judicis, tum vero poteris esse securus à moderatione tuarum rationum. Ex taxa laborum præscripta vivere, non est viri tuæ conditionis, neque secta nostrorum temporum patitur. Sublatis studiorum præmiis etiam studia peritura, Suilius & Cosutianus

cen-

consuere apud Tacit. *Annal. Lib. XI. Cap.* ejus orationis integræ probè memento.

Sententia adversus tuum clientem latâ , suggerenda remedia commoda. Appellationem ubi fieri potest , Leutationem (remedium valde commodum etiam in aliis Imperii Judiciis quam Saxoniz Ducum , de cujus abusu Ziglerus loco supra dicto differit.) in integrum Restitutionem , Revisionem. Remedium restitutionis est utilissimum quia effectum Judicati suspendit. Acta accumulari possunt. Judex aliis occupationibus distinetur. *Interim aliquid fit.* Si jure jurando calumniæ opus est , *daß vveder ihr noch Euere Principalen und deren Advocaten von jezigem neuen Einbringen , vorhero einige Wissenschaftt gehabt , Clausula adjuncta : Oder doch solches zu der Sache dienlich zu seyn nicht vermeinet , conscientiam salvare putabis.*

Tandem, si ignarus quid antea in actis fuerit deductum , offerre juramentum procuratorium erubescas , (quotusquisque enim est ex Procuratoribus qui inter tot causas quibus patrocinatur , singularum merita scire possit , Advocati hoc est officium non Procuratoris) observa cautelam *Schlendriani* , ut offeras *si à Judice admittaris.*
Ten-

Tentare licet , si non succedit , providentia tua saltem ab opinione temere oblati juramenti te liberabit.

APHOR. VII.

Petis à *Schlendriano* consilium ad acquirenda tibi multarum causarum patrocinia ? Neque hic de-
erit magister.

Ante omnia studendum est pro acquirenda qualicunque opinione scientiæ , diligentiae & obsequiositatis. Hisce enim parabis tibi apud superiores aditum. Tum vero conciliabis tibi amicos, qui te ceu virum talem commendent. Insignis erit in te virtus & commendabilis si quidquid didiceris vel conjecturis affecutus fueris non effutias , nec scientem te simules. Plus scire , quam loqui , sapientiam esse , ex *Epidico* memento. Malè enim accipiuntur sciolli & plusquam decet curiosi & garruli : Invigila quid rerum agatur in curia , qui processus petantur & decernantur , adversariæ parti mox denuncia , tuum offer patrocinium & mitte quam in promptu habes typis impressam formulam mandati procuratorii.

Si observaveris aliquem de tardiori progressu suæ Causæ conqueri , patieris libenter , licet ipse non facias, (id enim honestas prohibet) , ut in Mandatarium

E

rium

rium præsentem culpa referatur , quod vel nimium sit occupatus ; vel curatius agere & flagitare judicem non soleat , vel aliud quid prætermiserit. &c. Si res eo deducta est ut novo præcuratore sibi opus esse crediderit , tibi que formulam mandati transmiserit subscriptam , tu eam monstrare priori procuratori , & in judicio producere non erubescas. Ille enim ab isto cliente alias non satis bene honoratus , ut eo carere possit , renunciabit haur ægrè suo mandato , *will von der Sache abgestanden seyn*. Et sic venies tu in possessionem. Ubi tamen non negligendum ut acceptes renunciationem , nam fieri potest ut Principalis etiam tui pertæsus , vel alia de causa , priori Procuratori rursus aliquid agendum committas & is acceptationem abs te non factam causatus , patrociniū rursus occupet.

Initio nullam sperne , quæcunque causa tibi defendenda offeratur , diligentem potius te monstra in omnibus. Allaborandum enim ut quacunque die Juridica publicè proponendum habeas aliquid.

In novitiatu tuo videaris semper magis , quam sis , occupatior , & in contradicendo adversario tuo , ita ut ne faciliè quid sine responsione dimittas , promptus.

Ad

Ad multam dictatam frontem obduratam habere , nam tibi primo , vel soli , hoc non accidit , & si Principalis tuus te negligentem nolit fieri , sua sponte te præstabit indemnem.

Ne tamen affectes primis annis tui officii multarum causarum patrocinia habere , non cuivis contingit hanc adire Corinthum , casus est rarior , & si nuditas tua fortè detegatur , vel circumstantiæ mutantur , existimatio tua mox periclitabitur , opportunitati est invigilandum , tenenda capillis in fronte occasio. Nequidem nuncii negligendi , qui suo præconio in regionibus dissitis copiam causarum nonnullis conciliarunt. Tu vicissim eorum lavabis manus , processus decretos tibi amicis nunciis præaliis insinuandos concredes , interim prorogatione fatalium ad plures menses tibi poterit consuli.

Collectanea tibi para ex formulis variis recessuum quibus pro re nata utaris , nam imitatione aliorum tu exculaberis , & *Schlendrianum* pro stylo commodè venditare poteris.

Ubi majorem numerum causarum adquisiveris , tunc eas quæ minus utiles videbuntur aliis commendabis , qui tibi gratiam sunt habituri. Est etiam filius , est gener , cui consulendum.

Si officii tui ratio postulat ut pro cujusque iudicii more certis diebus publicè compareas , vestitu

distincto, prout fieri consuetum in Camera Imperiali quavis Audientia, tibi que id fuerit quandoque incommodum, mitte quæ habes proponenda Collegæ alii, cui fortè gratum accidit ut exsurgere possit & audiri, cum hoc in causis suis accidat rarius. Tu verò si nominis celebritatem aliquam acquisieris, (aliud enim decet novitios) tuæ vacabis commoditati. Trecentæ enim possunt colligi causæ quibus absentia excusetur. Non satis commoda uteris valetudine vel aëris intemperiem metuis: Habes expediendos nuncios hac ipsa hora, qui expectare non possunt: Es occupatus laboribus, in quibus, si hoc ipso tempore seponeres, circuli tui admodum turbarentur: Invitatus es ad prandium vel amicos invitasti: venit ad te hac ipsa hora aliquis ex tuis clientibus honoratioribus, cum quo communicandum: Est in ædibus opifex, cui distinctè monstrandum, quomodo res tibi necessaria sit perficienda, aliqui erraturus foret cum tuo dispendio & animi ægritudine. Vel dic, te ut compareas publicè, dispositum non esse. Variandæ autem sunt excusationes, & memineris probè proximè præcedentium. Compertum non habeo an ad examen deducantur, id sæpenumero audivi, in honore esse Procuratores, faciliè excusari, non in schola versari, sed in curia.

Præjudicia varia collige, licet certus non sis,
an

an ad tuum casum circumstantiæ quadrent , tu tamen divinabis & allegabis , opinionemque diligentis viri hac ratione adquirere studebis , nullum ex tua allegatione nascitur tibi periculum.

Cave ne honorarium in annos plures non solum succrescat : Monere non desine : Diligenter scribe : Omnis epistola ad rationes refertur : Per nuncios liberalitatem excita , cumprimis tuam diligentiam lauda , & laudari jube , marsupium preme , maximè tempore eo quo tua opera indiget Principalis.

APHOR. VIII.

Sed manum de tabula. Retinere debet aliqua pro suis arcanis Magister cautus: Si uti didiceris his quæ tradita sunt , bene tamen , ne artes intelligantur , si utilitatem fueris expertus , si nomen aliquod adeptus , gratiam habe *Schlendriano*. Si observationi diligenti dederis operam & imitationi, plura doceberis tuo Marte , & novas cautelas *Schlendrianicas* invenire scies. Pugiles , si ictum quem in animo habent , ab adversario motu contrario elisum iri sentiunt , novum solent confestim instruere. Ita tu , si artem unam non succedere intelligis , mox aliam in promptu habere debes. Interim invidere

re noli si, his præceptis, quæ plurium annorum observatione collecta sunt, hucusque ad secretiorem amicorum usum servata, nunc plures Neo-practici, & gratis, communicentur. Vicissim te *Schlendrianus* participem facit *Colloquiorum* trium, quæ ipso facto ita habita, atque ob secretas quas continent instructiones, scripto comprehensa, ab amico accipit. Ceterum ut abstineas à censuris suadeo. Acroamaticas hæc doctrinas si fastidis, si præstantioribus es imbutus, gratulabitur tibi ipse *Schlendrianus* & libenter sua contrahet vela. Si vero te iis usum esse, atque ad eas, ubi consilium te deseruit, confugisse sæpius meministi, noli eas invidere aliis. Si cautè in iis versari nondum didicisti, tua erit culpa. Noli etiam Auctori ob propalationem indignari, cujus scopum si non à primordio, quod tamen facile est, intelligis, adire licebit *Jubentium* & ab eo perdiscere. Hic enim ex familiari cum Auctore conversatione de consilio ejus certus, candidè id exposuit in colloquio ultimo suo *Domitio*.

COLLOQVIVM

PRIMUM.

JUBENTIUS : DOMITIUS.

JUB. Unde nobis ades , mi Domiti , ocreatus & scuticâ prælongâ armatus ? *Dom.* Ex Athe-neo vicino. Persuaserunt enim commilitones aliquot , Wetzlariam excursuri , ut eos comi-tarer. Feci tanto libentius , quod scirem , te ve-terem amicum ibi commorari , cujus alloquio fru-endi futura esset occasio. Equitantem verò ocrea-tum esse oportebat , neque , me hercle ! maci-lentum caballum , brevi forte excoriandum , cala-mo scriptorio incitare poteram. *Jub.* Benè est. Sal-vum te esse lætor. Sed videris jam recurrere velle , urbem vix ingressus. Est hodie dies Audientiæ pu-blicæ , simulque publicationis sententiarum , cui interesse oportet , & Patrono meo , Advocato & Procuratori , cujus negotiorum fœrensium curam per aliquot annos gero , adstiterè. Adeo , ut pa-rum otii ad confabulandum mihi supersit , hac , qua venisti , die. *Dom.* Imo vero revertendum mihi est Gießam hodie. Revocat enim collegium Juridicum, quod

quod ibi frequento. Adpropinquat solstitium ver-
 nale , coelum est serenum , adeo ut sub noctem re-
 verti queam. Intra horæ spacium nostris caballīs
 illuc transvehimur , qui strepitu & clangore scuti-
 carum , mirum quantum ! ad cursum incitantur.
Sub. Sed quid si infessor aliquando cum caballo pro-
 sterneretur. *Dom.* Hoc studioso non extimendum,
 ad varios casus confirmandus est animus. *Sub.* Er-
 go alio die redibis ? *Dom.* Id equidem certo affir-
 mare non possum. In nostris Collegiis Praxin Ca-
 meralem æque addiscimus. Cum essem ad Acade-
 miam dimittendus , mater mea vidua , cum peritis
 consilium iniit , quæ inter multas foret utilior ?
 Alii Jenensem , alii Hallensem , alii Tubingensem
 consulere. Placuit tandem Gieffensis , tanquam
 Imperiali Camerae præxima , cujus stylus ibi puta-
 batur esse magis , quam alibi cognitus. Animus
 autem mihi est operam dare studio forensi. *Sub.*
 Ego tamen utile credo tibi futurum , ut quæ in
 Collegiis audis , per experientiam confirmentur.
 In Academiis nonnisi ex libris hauriunt Cameralem
 praxin. Wetzlaræ , quæ in ipsis rerum argumen-
 tis obtinent , experimur. Proinde , ut sapius huc
 advoles , suadeo. *Dom.* Fiet , si modo pecuniæ
 ad equum conducendum supersint. Sed quoniam
 abs te didici , fore hodie Audientiam publicam &
sca-

sententiarum publicationem, ego, dum commilationes mei urbem transcurſitant, temporis lucrum ſum facturus, peto igitur, ut me, ſi licet, in locum Audientiæ deducas. *ſub.* Licet ingredi cuique, modo modèſtè ſeſe gerat. Sed properandum eſt, cum audita ſit hora poſt meridiem prima. *Dom.* Siccine ad horas adſtriſta eſt iſthæc ſolennitas? *ſub.* Eſt omnino. Sine ordine temporis negotia rectè peragi nequeunt. Nonne & vobis Studioſis hora collegiorum obſervanda? *Dom.* Rectè mones. Sed jam expectamus dudum, & nihil aliud video, quam viros rogatos in conclavi obambulantes? *ſub.* Hi ſunt Procuratores Imperialis iudicii. Expectant autem initium audientiæ, quod interdum moram habet, ſi horis antemeridianis Collegium Camerale ultra duodecimam fuit congregatum. Sed ecce! jam ſubſellia occupant Procuratores, intrat pedellus, præferens ſceptrum iudiciale Sereniſſimo Domino Iudici, quem ſequuntur ex Dominis Aſſeſſoribus quatuor. *Dom.* Quid ſibi vult baculus iſte ſubniger? *ſub.* Sceptrum eſt iudiciale, iuriſdictionis ſupremæ ſignum. Ejusmodi ſigna iudiciaria antiquiſſima eſſe hiſtoriæ tradunt. Hoc verò ſceptrum ab ipſo Cæſare Maximiliano I. geſtum, & Iudicii Cameræ traditum, conſervatumque fuiſſe, vetuſt eſt à maioribus accepta traditio. *Dom.* Quare non

F

univerſi

universi Assessores Audientiæ sunt præsentēs? *Jub.*
 Hoc antiquo tempore erat necessarium cum Audi-
 entia celebrabarentur quotidie , posteaquam verò
 animadversum fuit , negotia judiciaria , actorum-
 que relationes multum impediri tali consensu , ex-
 terna ista prolixitas est immutata & compendiosior
 facta Audientiæ frequentatio. Tu, Domiti, hic ex-
 tra cancellos subsistes, & cuncta observabis. Mihi
 locus est occupandus post subsellia , ut firmo Patrono
 meo ad manus. Finita Audientia me expectabis ,
 & ulterius confabulabimur. *Dom.* Non profecto
 poenituit me hic ad tertiam usque horam adfuisse.
 Sed multa sunt , quorum explicationem abs te de-
 sidero. Ubi quæso erit locus nostræ confabulatio-
 nis? *Jub.* In musco meo , si placet , & poterò ti-
 bi ostendere nonnulla ipso opere , quæ verbis ex-
 poni non possunt, tibi , in hac palæstra planè hospi-
 ti, Verum quem audio equitantium & scuticarum
 strepitum? *Dom.* Sunt , ut video, commilitones
 qui recurrunt Gießenam. *Commis.* Heus tu Do-
 miti , nonne redire vis nobiscum? *Dom.* Recurri-
 te vos , si placet , ego satis maturè sum reversurus.
 Frustra enim hic fuisse nolo. *Jub.* Assideamus
 huic mensæ , nam delassati sumus stando in Audi-
 entia. *Dom.* Nisi abutar favore tuo , ex schedu-
 la , quæ plumbo annotavi , ordine recitabo. Ali-
 qua,

qua , ipsa ratione dictante , intellexi , aliqua opus habent explanatione. Quod Judex & Assessores caput obtegant , autoritatis gratia fieri intelligo. Quod is , qui prælecturus erat sententias , (aiebant adstantes mihi , vocari Protonotarium ,) inclinet se coram Judice , mandatum publicandi nutu accepturus , facile colligo. *Silentium* , quod Pedellus inclamat , baculo mensam feriens , satis percipitur. Existimavi id à strepitu hominum adstantium originem traxisse. Sed ex sententiis planè nihil assequi potui , quid judicatum sit. *Jub.* Credo , nam hoc vix ii intelligunt , qui Camerali Praxi operam dederunt aliquamdiu. Soli Procuratores , qui causæ inserviunt , vim sententiæ , quam audiunt , intelligunt. Interdum ipsi quoque , si non simul advocando causam defenderunt , explicatione opus habent , si , quæ insit sententiæ vis ac potestas interna , scire expediat. Id enim , nonnisi meritis causæ penitus cognitis , intelligitur. Deinde ad stylum sententiarum , quid unaquæque vox denotet , intelligendum , opus est exercitatione , neque per discursum subitaneum exponi poterit. *Dom.* Ergo ea de re imposterum uberiores expectabo informationem. Audiui mulctari Procuratores in sententiis , mirum tantos viros non agere cautius ? *Jub.* Ipsi quidem satis dolent , nomina sua , si mulctantur ,

publicè exaudiri. Sed hic reniti non licet superioribus. Homines sunt, & tentant pro cliente, quicquid juvare queat, restitutionemque mulctæ expectant. Si amicum habeat quis, à quo moneatur, facilis est modus cavendi, ne omnium oculi in eum qui mulctatur, cum expressione, ut fieri solet, & nominis, & causæ convertantur. Sequenti die excussus est rubor omnis. Audivi aliquando, quod non solum refusionem mulctæ, sed etiam pro reparatione honoris postulare quid liceat, quia propter clientem Procurator mulctatus. Num id fiat, asseverare non audeo, nam talia nobis non patent: Habent sua secreta Patroni. Crediderim tamen, si casus existeret, & judicio denunciaretur, animadversionem severiorem infecuturam. *Dem.* Quid verò est, quod aliqui scribunt, dum Prætonotarius prælegit sententias? *Annotatio hæc quare non fit ab omnibus? Sub.* Annotantur rubricæ sententiarum, addita vocula aliqua, qua designatur, sententiam esse definitivam, confirmatoriam, reformatory, paritoriam, absolutory, non devolutivam, interlocutory, actoriam, litis contestatory, proclama &c. &c. Ut ex catalogo quilibet Procurator eas causas, quas ipse tueretur, discernat, & in Cancellaria copiam, si opus, petat. Qui amanuenses Studiosos habent, curam annotationis his com-

mit-

mittunt. Proinde nostrum est officium , ut Catalogum omnium causarum , quibus patroni nostri intersunt , habeamus. *Dom.* Sunt ne tam multæ causæ , ut catalogum scripto comprehendere operæ sit pretium ? *Jub.* Quidni ? Imprimis si aliquis Procuratorum dudum fuit in celebritate. Ego integrum volumen , quod hic vides , ordine alphabetico conscriptum habeo. *Dom.* Mira res , litigiorum nunquam esse finem. Et si Procuratores singuli , quos vidi in subselliis magno numero , tot habent causas , quantuserit numerus causarum omnium ? Et quanto opus erit numero Assessorum ? *Jub.* Verum est , etiam pauciores Procuratores plus negotii facessere posse , quam Assessorum numerus præsens definire queat. Sed observandum , non omnes causas & decisiones esse difficilioris inspectionis. In Catalogo mei Patroni , ceteroqui satis prolixo , causarum in quibus est occupatus , (sunt enim multæ dudum definitæ) si exceperim viginti circiter , reliquas facilioris laboris esse credo. *Dom.* Numne igitur honoraria Procuratorum à qualitate causæ æstimantur ? *Jub.* Absit. Eadem est ratio sive de mille Imperialibus , sive de centum millibus agatur. A labore , non à pretio causæ , honoraria merentur Patroni. Potest esse causa levioris pretii , & magnæ laboris. Viciissim alia expeditior , & magnæ æsti-

æstimationis. Interim qui magis honorant Patronos, hos honorari & coli præ cæteris, ratio dictat. *Dom.* An expectanda est Procuratori solutio honorarii finita causa? *Jub.* Fatuus esset, qui hoc faceret semper. Nam ex vento non vivitur. Sunt clientes, quorum crumena premenda est, dum dolet, juxta regulam discipulorum Hippocratis: Non repetitur datum. Et nemo adeò ineptus est, ut rationem inire nequeat pecuniæ prænumerala. Idcirco ne defraudetur Procurator cavendum ipsi est à principio. Dantur multi litigantes ingrati, qui credunt, se non debere honorarium, nisi res ex voto succedat. *Dom.* Memini ex lectionibus Academicis Procuratorem esse litis dominum, annon ergo dirigere poterit processum ad exitum speratum? *Jub.* Næ tu mihi videris quovis Domitio stultior. Dominium litis, si hunc haberet effectum, Procurator adversarius æquè foret litis dominus, & suo maneri non defuturus. Abusus est, si Procurator aliquis suam esse eam auctoritatem apud judicem existimat. Meus sane Patronus valde hoc mihi inculcavit, quem tamen scio haberi in celebritate & existimatione. *Dom.* An ergo omnes in æquali existimatione non versantur. *Jub.* Hoc à fortuna dependet, si cætera rectè se habent, studia, sedulitas, prudentia. Nusquam ta-

men

men abest , nisi uno ex his deficiente. Quemadmodum verò in omni ordine ingenia hominum , non sunt æqualia , ita & hic usu venit. *Dom.* Quid consilii ergo ut largiora possint esse *Procuratoris* commoda ? *Sub.* Qui advocando etiam laborant , existimationem facilius acquirere possunt , & hic est gradus proximus ad clientes plurimos habendos. Tum vero studendum est , ut à Principibus & Statibus Imperii annua impetrentur salaria. Sunt etiam privati litigantes honoratioris , qui ob plures causas , quas habent , annum salarium promittunt. Sed plerique utuntur Advocatis extraneis. Credunt enim hos esse magis informatos. Et jam in unaquaque provincia numerus est Advocatorum tantus , ut alter alterum , ceu figulus figulum odio habeant. A meo Patrono didici , olim *Spiræ* præstantissimos totius Germaniæ fuisse Advocatos , ut , qui causam graviolem defendendam habuerit , *Spirensem* Advocatum sibi quæsserit. Alii sunt hodie mōres , & nimium evulgatæ artes. Deinde , ut antea memini , in tempore est vigilandum. *Dom.* Nimium deflectimus ab ordine Audientiæ. Quare discesserunt serenissimus *Judex* & *Assessorum* tres , uno remanente & sceptrum occupante. *Sub.* Finita sententiarum publicatione inceperunt , ut audisti , *Procuratores* causas suas perorare. Huic rei
auscul-

auscultabant olim Judex & omnes Assessores congregati. Cogita, quam tædiosa & somnifera fuerit auscultatio distantium suos recessus, quos Notarii calamo excipiebant, ita ut in aliquot mensibus ordo inter Procuratores absolveretur. Sed huic rei remedium allatum post Recessum Imperii Anno 1654. Neque opus est, ut plures Assessores, quam unus, Audientiæ præsit. Quandoque etiam unus ex Dominis Præsidibus solum accipat loco Domini Judicis. *Dom.* Observavi silentium perpetuum ejus qui Audientiæ præest, nisi quod in juramento præstando Procuratori verbis præierit. *Jub.* Verum est, & nihil habet quam hoc loquendum, qui Audientiæ præsidet. Nisi quod observaverim, quandoque, ubi Procuratores, contradicendo sibi invicem, moderationis terminos excederent, Assessorem interloquendo inhibuisse. *Dom.* In nostra patria etiam est illustre judicium provinciale, ubi tamen audientiæ hujusmodi non frequentantur. An ergo necessaria est Judicio Camerali Audientia? *Jub.* Est omnino ex prima hujus Judicii constitutione, & habet suos usus insignes, inter alios, ut non necesse sit partes ad quemcunque actum judicialem citare, sed quicquid sit Procuratore præsentate, id vim habet notitiæ legalis. *Dom.* Ergo si absens est Procurator, cessabit iste effectus? *Jub.*
 com-

Minime. Sufficit enim adesse ejus mandatum generale ad acta productum. Si valetudine vel alia justa causa impediatur, ut intersit Audientiæ, poterit ex Collegis alium rogare, ut recessum scripto comprehensum in ordine recitet. Hinc mandata continent facultatem substituendi. Sed substitutus ordinarius non semper est is, qui rogatur, sæpe alius. Et nostri muneris est plerumque quærere ex Procuratorum præsentium numero aliquem, qui hoc officio libenter defungatur. Seniores autem requirere solent juniores, non vicissim nisi sit proximus in subselliis. *Dom.* Nonne hoc foret munus substituti ordinarii? Ad quid ergo substitutio? *Jub.* Non ineptè quæris, sed ita res sunt comparatæ, ut is, qui substitutioni consentit, de omnibus causæ meritis nihil sciat, neque ei à Procuratore Principali quicquam aperiatur. Adeo, ut haud rarò substitutus parti adversæ officio suo adfuit, suæ substitutionis immemor. Cautus fuit meus Patronus, ne à se id fieret. Eum in finem mihi demandatum fuit, catalogum substitutionum conficere, ne vel utriusque parti ignoranter fiat substitutus, vel adversariæ partis principalis Procurator. Duplex substitutio hac cautela evitabatur, &c, si altera pars principaliter desideraret patrocini-
um, renunciabat Patronus meus substitutioni.

G

Dom.

Dom. Nondum audiui cujus usus sit substitutio.
Jub. Lege est sancita, sed ulus non alius, quam ut, existente fortè casu mortis procuratoris, sententia possit ferri contra substitutum, qui sæpenumero se esse substitutum, dudum est oblitus. Nam subscribit mandato substitutus plerumque in Audientiâ cum producendum est mandatum, & mutuos sibi honores eâ in re exhibere solent procuratores. Plerumque subscribere rogatur tanquam substitutus junior Procurator, non æquè ex senioribus aliquis à juniore. *Dom.* Ego credidi, ab ipso principali litigante eligi personam substituti? *Jub.* Minimè gentium. Hi sæpe nec Procuratorem aliter quam solo nomine norunt, multò minus substitutum. *Dom.* Undè verò hoc accidit? *Jub.* Docebo te hoc, Domiti. Procurator Camerae parare sibi debet amicitiam & fiduciam Advocatorum, cum primis in provinciis, ubi regnant litigia. Hi quasunque causas ad hunc deferunt. Si opus est mandato transmittitur formula mandati typis impressa, & relinquitur plerumque arbitrio Procuratoris electio substituti. Ego diebus Juridicis horâ undecimâ antemeridianâ Cancellariam intrare soleo percontatum, an pro meo Patrono aliquod ex Senatu prodierit decretum, ubi simul rimari studiosè didici, quis alius Procurator processus obtinuerit, tunc sine morâ nuncian-
dum

dum hoc parti adversæ, & offerendum studium
 atque officium, addendo simul formulam man-
 dati procuratorii, cujus subscriptio petenda. Lici-
 ta hæc est patrociniorem aucupatio. *Dom.* Sanè
 non contemnenda hîc abs te disco, quæ nunquam
 in Academiâ docentur. Cum dixeris antea in non-
 nullis locis regnare litigia, scire vellem quænam
 urbes aut regiones isto nomine celebrentur? *Jub.*
 In universa Germania non est exiguus litigantium
 numerus. Testatur id magna ubique Advocato-
 rum copia, qui omnes de victu parando laborant.
 Qui praxin incipiunt, neminem ejiciunt foras. Meus
 Patronus non paucos aliis commendare solet. De-
 lectus enim habendus est clientum. *Dom.* Au-
 divi aliquando in collegio meo Academico, Leo-
 dienses magnam messem præbere Dominis Procu-
 ratoribus laborum juxta & præmiorum. *Jub.* Ita
 creditum fuit aliquando, & felicior habebatur pro-
 curator, qui cum Leodiensibus Advocatis correspon-
 dentia, ut vocant, fruebatur. Meus Patronus nullas
 habet, neque, credo, habere voluit. Sunt homines
 generosi inter Leodienses, sicut alibi, sunt plures
 numero pecuniæ tenaces. Advocati domestici non
 desinunt ibi fructus, cum spes adhuc est in incre-
 mento, decerpere. Wezlariam plerumque derivantur
 reliquæ, quando litigantes sunt ferè delassati. Ni-

mius Advocatorum Leodiensium numerus effecit, ut hodie non adeo habeantur fructiferi clientes Leodienſes, quam erant olim. Deinde, quod antea paucis ex ordine Procuratorum erat proprium, cauſarum Leodiensium patrocinium, jam in plures est diſiſum. *Dom.* Perge quæſo enarrare ea, quæ vobis Amanuenſibus incumbunt. Est enim mihi conſilium, addicere aliquando meam operam alicui Procuratorum. *Jub.* Præcipua noſtra cura eſſe debet, ea, quæ ab adverſario Procuratore proponuntur, accipere, notare, & in protocollum domeſticum digerere. Ergo, licet Procurator audientiæ non interſit, noſtra tamen præſentia & cura ſupplere ſolet, quæ ſunt neceſſaria. Intelligis, miDomiti, quantum ſit poſitum in bono & rerum perito amanuenſi. Is omnium cauſarum curam gerit, monet, ſuggerit, quæ agenda ſint. *Dom.* Quid autem ſibi vult iſta ſæpe repetita obambulatione pedelli, & amanuenſium circumitio. *Jub.* Diſtinctas res quæris. Diſtincta ergò opus reſponſione. Pedellus circumit ſciſcitando, quis ex Procuratoribus aliquid proponendum habeat in debito ordine, & reſceſſus cujuſvis copiam adverſario procuratori, cujuſ nomen ſchedulæ inſcriptum, accipit, traditque. Amanuenſes verò quandoque ipſi tradunt copiam reſceſſus, quando declinanda eſt alterius

con-

contradictio. Ego sæpius me contuli à loco meo ordinario , ad illum , qui est Procuratori adversario proximus , huicque recessum meum non prius tradidi , quam posteaquam à Patrono meo esset recitando absolutus , & ita excludebam contradictionem. Sunt enim inter Procuratores , qui nihil facilè sine contradictione transire patiuntur , & cum tales recessus contradictorii dicuntur Notario , temporis fit jactura interdum , instat sententiarum publicatio , & vigilandum est , ne per contradictionem talem aliquid scrupuli injiciatur. Nemo facilè hanc praxin intelligit , nisi qui in ipsis rerum argumentis versatur. *Dom.* Audi vi aliquoties Procuratorem , recitantem suum pensum ex scripto , aliquid corrigi velle : Inquit enim Protonotario & Notarius mensæ adsidentibus : *Corrigatur , si placet.* Putarem hæc domi accuratè examinanda fuisse. *Jub.* Debebamus quidem. Sed facilè est , ut error aliquis obrepat. Meo Patrono id rarè accidis , quia , licet ego recessus leviores in Audientia habendos plerumque componam , (nam qui momenti aliquid habent , ipsis Procuratoribus curæ sunt , & sæpe cum Advocato communicandi , vel ab eo expectandi) securus tamen esse possit de mea industria , & accuratè conscripta tabellâ. *Dom.* Qualem mihi nominas tabellam ? *Jub.* Tabellam vocamus folium

istud unum , vel plura conjuncta in quo omnes recessus , in unoquoque ordine & unaquoque Audientia recitandi , conscripti sunt , & ad marginem cujusque recessus nomen procuratoris adversarii expressum. Hujus tabellæ duo habemus exempla , eadem forma descripta , quæ ad mensam Notariorum per pedellum deferuntur , quorum unum penes Lectores manet , qui sunt Archivarii Camerales , alterum apud Notarios Cancellariæ , & quovis trimestri spacio in unum volumen compinguntur. Alia duo exempla sunt ad manus , quorum unum est Procuratoris proprium , ex quo recitat recessum viva voce , alterum est scissum in parvas schedulas , cuique causæ proprias , quæ traduntur Procuratoribus adversæ partis. *Dom.* Multum ergo laboris vestris manibus incumbit , si quemque recessum quadruplici exemplo describere oportet. *Sub.* Verum dicis , sed pro numero negotiorum hæc res non est amanuensis unius. Ego potissima curo , & reliquis pensa distribuo. Nuda describendi opera facilè alii mandari potest , sed recessus ipsos quandoque componendi longè major & præstantior est cura , tum vero Calendarium terminorum legalium vel præfixorum , vel collectorum ordinatè habendi , omnes recessus protocollo majori domestico accuratè inscribendi , & indicem

con-

conficiendi , aliquot millia epistolarum , correspondentiæ , ut vocant , & sub finem anni votivarum appreationum ad clientes exarandi epistolas ad locum cursus publici deferendi , & pecuniam pro iis exsolvendi. *Dom.* Num verò literarum sumtus Magistro cursus publici solvendi à procuratore erogandi ? *Jub.* Omnino , & hoc onere maximè gravatur officium Procuratorum , cum non sint exigui sumtus , & difficilis à clientibus recuperatio qui tamen de statu rerum suarum informari volunt. Hinc si prænumerationem postulet Procurator , hoc ei vitio non vertendum. Cura rationum etiam mihi est commissa. *Dom.* Ita , ut audio , non multum otii vobis superest. *Jub.* Certè parum , si negligentes haberi nolimus , & maximè ab audientiâ post publicationem sententiarum. Nostra tamen versatur utilitas in addiscenda Camerali praxi , & acquirimus notitiam rerum forensium & personarum , facilioremque aliquando aditum ad officium aliquod publicum. Me hic fuisse , & Patrono meo inservisse nondum poenituit. Sed tamen ætas me invitat officium proprium quærendum , & ad uxorem ducendam. *Dom.* Ego igitur , cum hodie fuerit dies Audientiæ & sententiarum publicatio , tibi incommodare amplius nolo , advesperascit jam , & videtur insurgere aliqua tempestas , alia vi-

ce

ce ulteriorem discursum tuum, ex quo jam doctior
Gießenam redeo, expetiturus. *Jub.* Eris mihi sem-
per gratus, & ego tuo desiderio non defuturus. Ca-
ve ne equus te ejiciat. *Dom.* Nullum est pericu-
lum, modo ego equum non portare debeam, qui
sessorem vix gestare posse videtur. *Jub.* Tanto gra-
vius periculum. Ergo feliciter abi, & Vale.

COLLOQVIVM

SECUNDUM

DOMITIUS. JUBENTIUS.

DOM. Salve mi Jubenti, amice charissime!
Non potui non ad te reverti, cum à nupe-
ra conversatione tanto desiderio, plura abs
te discendi, fuerim inescatus. *Jub.* Salve vicif-
sim, charissime Domiti. Sed die Dominica te non
expectassem. *Dom.* Equidem hac die veni, ut per-
noctarem Wezlariæ, quo magis sequente die tota
fruerer, si licet, tua instructione. *Jub.* Consi-
lium non est malum, poteris enim crastino die ho-
ris matutinis confluxum sollicitantium tuis oculis
cernere. Sed interim tu sacris non interfuisti?
Dom. Interfui in hac urbe à prandio. *Jub.* Mi-
rum,

rum, si tu studiosus Academicus tantum habuisti
& patientiæ & devotionis. *Dom.* Quasi vero stu-
diosi essent ab hac virtute alieni. *Jub.* Certè vos
ea deceret maximè. Sed vidimus hic sæpe studio-
sos, ædem, cum sacra celebrarentur, ingressos, non
auditum, sed spectatum, & post gesticulationes
aliquas, quibus aliorum auscultantium attentio tur-
batur, mox recurrentes ad diversoria. Nescio an
Jenensium quorundam studiosorum mos, quem
ego olim sæpe non absque offensione vidi, ad vos
Giessemam translatus fuerit. Tu si meliora seque-
ris, si mente cōsanior, senties apud temetipsum
quantæ sit tibi futurum utilitati. *Dom.* Imò
verò juvenilis ista insania mihi valde displicet,
quando à parentum vel præceptorum reprehensio-
ne liberati, hac sua libertate ad immodestiam usque
abutuntur, aliorumque exempla non bona, sed re-
prehensione digna, imitantur. Auscultavi attentè
sermoni sacro hodierno, nihilque quod offendere
posset orthodoxos, audivi. Nescio an fuerit is
cui, ut auctio, de doctrinalis movetur *Jub.* Fuit
sed præstat Domiū, ut ea de re tuum suspen-
das judicium. Ex uno sermone Doctor Eccle-
siasticus non dignoscitur. *Dom.* Credo,
sed fama est apud plerosque, ut accepi, op-
tima. Nemo sanè Theologos publice proba-

H

tos

tos absque injuria heterodoxiæ est insimulaturus. *Jub.* Mihi quidem hisce de rebus inquirere per alia negotia non licuit, sed quantum ex ore Procuratoris Patroni mei audiui, huic ille non probatur. *Dom.* Quamborem? Putarem quam ex fructibus dignosci debere Doctorem? *Jub.* Nescisne tu quoque fuisse inter Doctores reprobos, in quorum externis moribus nihil fuit reprehensione dignum? *Dom.* Putasne tu omnes, qui ab aliis reprobantur, propterea esse reprobos? Inverte casum, agnosces errorem tuum. Meâ sententiâ, hoc ipso, quod inter ipsos nostræ Confessionis Theologos in Academiis probatos, non eadem est hisce de rebus est sententia, certum fit, quod disputatio tota, si fortê aliqua non est de solis verbis, non sit de articulis fidei fundamenta attingentibus: Alias enim ex unâ aut alterâ parte Theologorum ad officia publica docendi, & in Academiis quidem, non essent recepti: Proinde cum qui alterutrius sententiam laudat, inter reprobos habendum non esse. *Jub.* Ego in hac materia me non satis versatum esse agnosco. Proponam quæ dixisti data occasione Procuratori meo, & alia vice tibi respondebo. Vocor jam ad disponendum crastinas rerum forensium curas. Proinde crastino mane ad me redibis, comitaturus me

me ad curiam. *Dom.* Adero antehoram septimam matutinam, interim vale. *Jub.* Tu quoque nocte quieta fruire. *Dom.* Adsum ut jussisti, & video te, mi Jubenti, occupatissimum. Multosque utriusque sexus homines tuum expectantes auxilium. Credo

esse hic, causas suas sollicitaturos, sed ex gente rusticâ vel infimâ plebe. *Jub.* Sic est, & à Patrono

meo ad me missi, ut cum ipse honoratiores aliquos audit, ego his quaecunque largiar solatium tradendo iis schedulas sollicitatorias, quibus unusquisque Dn. Judicem, Dnos. Præsides, Dnos. Assessores aggre-
 diatur quotidie. Nos enim non decet talis importunitas, quæ rusticitati facilius condonatur.

Dom. Habetne flagitatio ista eum effectum ut maturetur negotium. *Jub.* Nequaquam. Interim,

alia ratione liberari ab hoc genere hominum non possumus, qui Procuratorum ædibus quotidie sunt molesti, nisi manus eorum schedulis impleantur.

Dom. Multum ergo operæ facessunt hæ schedulæ?

Jub. Quidni? Sed tamen ad rationes referunt aliqui hunc laborem. Apud nos amanuensibus non invidetur, si aliquid honorarii dare velint litigantes: Sæpenumero unum exemplum schedulæ sufficit, in quo describendo aliquoties, ipse cujus causa agitur, si artis scribendi est peritus, & leviori sumptui vel ob indigentiam propriam vel ob tenacitatem par-

cere studet, à meridie est occupatus. Sunt enim, qui nihil aliud quam hoc agere possunt vel volunt. Sunt alii, etiam Procuratores, qui typis mandari curant schedulas sollicitatorias, quibus uti possint ubi opus, & sic liberantur amanuenses ab istâ operâ idque fieri optant qui nobiliori labore occupari possunt. *Dom.* Vellem ut explicares mihi modum schedulas has conficiendi. *Jub.* Rubrica processus primo loco nominari debet, personarum, tandemque petiti, jam pro decreto, jam pro sententiâ. Interdum causæ merita potissima, quantum schedula capit, inferenda, sed hoc operæ non est perfunctoriæ. Quibus ampliores sunt facultates, curant ab Advocato etiam speciem facti ex Actis elaborari cum rationibus sui petiti, eamque typis mandatam distribui. *Dom.* Quare in hac schedula additum est : *Summum in mora periculum* : *Jub.* Equidem hoc partes addi volunt, ut fortè decretum vel sententia maturetur, frustra tamen hoc speratur neque Dni. Assessores ideo citius causam referunt, neque esse tale periculum statim ideo credunt, quod schedula hoc dicat. *Dom.* Explica mihi has abbreviaturas in schedulis *Mdti. S.C. C.C. Cit.* *Jub.* Significatur esse causam *Mandati Sine Clausula* vel *Cum Clausula* vel *Citationis* : *Dom.* Qualem mihi nominas *Clausulam*. *Jub.* Quæris rem, quam credo

credo esse adhuc ultra captum tuum. Clausula intelligitur justificatoria facti ob quod Mandatum fuit impetratum. Sed hæc res uberiore opus habet explicatione quam ut hoc loco & tempore fieri queat, Commentarii ad processum Cameralem hic sunt adeundi, inter omnes præcipuus Blumii. *Dom.* Quidnam significat in schedulâ hæc abbreviatio *S. Q.* forte denotat *Senatus Consultum Quirinianum*. *Jub.* Hæ, hæ, hæ! Quale tu mihi hîc Senatus Consultum fingis. *Dom.* Audi vi à commilitonibus meis Academicis aliquando hoc nominari. *Jub.* Nisi mihi verba das, crediderim lusus gratiæ aliquem ineptivisse, quod seriò accipere non oportet. Abbreviatio *S. Q.* Rubricam actorum & processus *Simplicis Querela* denotat, cujus explicatio ex commentariis petenda, nam tu, si pateris tibi imponi à commilitonibus, ut *SCtum Quirinianum* aliquod credas, quovis Dupondio es imperitior. *Dom.* Gratias tibi habeo pro correctione meæ ignorantiae, neque mihi posthac verba dari patiar. *Jub.* Eamus jam in publicum, audita enim est hora septima & videbis undiquaque sollicitantes. *Dom.* Ecce hic virum ornatissimè vestitum, comitantem foeminam non minus comtant, si esset meridies, putarem esse conjuges ad convivium nuptiale euntes. *Jub.* Ita decet incedere

Procuratores si ad Dm. Judicem Dnos. Præsides & Assessores clientes suos deducere velint ut copiam habeant sua desideria coram exponendi. Ecce hic alius ex Dnis. Procuratoribus intrat, stipatus aliquot civibus ex universitate. *Dom.* Fitne hoc omnibus clientibus qui præsentes sunt & quotidie? *Jub.* Absit, quis enim hoc pati posset. Sufficit ut fiat semel vel iterum, neque ut gratis hac opera defungantur Procuratores, clientes boni desiderant. Hodie hic accedit, cras alius. Et non mediocris est incommoditas, clientes non modo domi audire patienter, sed etiam vestiri, deinde palliatum per plateas obambulare, quandoque tempestate ventosa quæ commam benè dispositam & pulvere farinaceo dealbatam disjiciat. *Dom.* Eheu! quantus hominum confluxus hic est in anticamera Dni. Judicis. Horumne omnium causæ hodiè tractabuntur? *Jub.* Paucissimorum quidem fieri potest, sed solatium qualecunque habent clientes & ipsimet Procuratores, si patienter audiuntur. *Dom.* Estne satis temporis ut etiam Dnos. Præsides & Assessores ante Consilium accedant hi omnes? *Jub.* Non est ut intelligis, neque hoc quærunt. Alii quotidie hic se sistunt, ut solo aspectu meminerit ipsorum Dnus. Judex, si jam aliquoties alloquendi cum data fuit occasio. Alii alio die conveniunt Dnos. Præsides,

Ra

Rarius patiuntur alloquium Dni. Assessores, neque iis incommodare licet adeo frequenter. His enim laborum ratio est habenda. Pergamus ad curiam, videbis hic varii generis sollicitantes. *Dom.* Video, & ecce! hic aliquis Dno. Assessori in transitu schedulam suam obtrudit. *Jub.* Summa est quandoque istorum hominum rusticitas, & putant, nisi omnibus schedula tradatur, peccatum aliquid fore. Observa, Domiti, aliquos occupare certum locum à quo dimoveri se non patiuntur, non magis quam sutores in nundinis. Aliquos schedulas suas magnis literis, alios coloribus, alios ligulis sericis, ornare. *Dom.* Quem in finem? *Jub.* Credo putare eos quod hoc ratione memoria causæ firmior sit futura. *Dom.* Si quotidie tot schedulas accipiunt Dni. Præsides & Dni. Assessores singuli, putarem oblivisci eos causarum quæ in tanto numero celeritatem desiderant expeditionem. *Jub.* credo id fieri nonnunquam, proinde ut audio Dns. Judex & Dni. Præsides notare solent eas quæ maturatione opus habent. *Dom.* Ita fortè etiam bibliopola suum locum tuetur in vestibulo Curiae? *Jub.* Equidem hic non est hic sollicitatum, sed mercatum: Et commoda est occasio, ubi multi concurrunt literati, cum emtoribus, tum venditoribus. *Dom.* Video etiam Procuratores hic esse solli-

solicitantes. *Jub.* Utique, si fortè brevibus verbis sese expedire possint. Et observa hos non in turba stare, sed locum commodum, ubi aliquis frui possint, occupare, omnes ut decet palliatos. *Dom.* Introierunt jam Senatores sua quisque triclinia, nihil hic observandum superesse credo. Quid cessamus discedere domum? *Jub.* Speculatus sum ego adhuc, in quo triclinio qui, & quanto numero Assessores, congregarentur. *Dom.* Quem in finem? *Jub.* Tibi hoc explicatu difficile, neque omnia pandi debent. *Dom.* Videris hic esse invidiosior. *Jub.* Minimè, sed quia longiori discursu opus foret quam tu pati possis vel intelligere. Abeamus jam domum, horà undecimā redituri. *Dom.* Dic mihi jam qua ratione unus Dn. Judex & Præsides duo Senatibus pluribus præesse possint. *Jub.* De officio ipso loquitur ordinatio. In Senatu quomodo sese gerant, ego sanè scire non possum. Hoc observavi, quod non semper in eodem versentur Senatu, sed in hoc jam, jam in illo, adeo ut nulla dies transeat in qua Dn. Judex non ierit omnes Senatus visitatum. Ipse enim quid in unoquoque agatur scire debet, & credo cum Dn. Præsilibus cum convenire, ubi sua, vel unius ex ipsis, necessaria sit præsentia. *Dom.* Licetne in Musæo tuo bibliotheculam tuam inspicere. *Jub.* Licet, nihil magnopere comparavi mihi, cum hic loci manere

nere perpetuò non sit mei consilii. Patronus meus Procurator instructissimam habet bibliothecam, quâ si opus habeo liberè utor. *Dom.* Non parvi habendum est hoc beneficium. Qualis hic per magnus liber, vidi tales in ædibus Argentariorum mercatorum. *Sub.* Externâ formâ talis est, sed intus est protocollum domesticum mei Procuratoris. Hic meus labor præcipuus ut ordine omnes recessus inscribantur Audientiæ cujusvis, tam à meo quam ab adversæ partis Procuratore prolatis, nomina causarum, deinde in indicem alphabeticum, indicato folio cujusque recessus referuntur, signatum frustulis membranæ, ut scis libros Pendectarum signari. *Dom.* Hoc mihi foret incommodum, semper novum evolvere folium, præstare puro ut causæ uniuscujusque recessus protocollares separatim conscriberentur in una serie. *Sub.* Faciunt id aliqui. Sed duplicatus foret labor, cum nihilominus liber talis universalis faciendus foret, quia facilius est ut separata charta deperdatur, quam tantæ molis liber. Ego credo in nostro musæo diligentius quam in multis aliis res ordinatas esse, & vidi apud aliquos mei ordinis amanuenses res multò confusiores, ut necesse sit ad acta in Lectoria Camerali, h. e. Archivo, existentia, recurrere. *Dom.* Fasciculos actorum in hoc musæo plures video quam capere queat

Sub. Acta integra ne quidem adfunt nisi in paucis causis , præcipue vero in iis quas Patronus meus advocando defendit ; *Dom.* Unde ergo ista fasciculorum moles ? *Sub.* Præter fragmenta quædam Actorum, sunt maximam partim Epistolæ litigantium vel Advocatorum & ad eos perscriptarum copiarum. Nec non rationes expõsitarum pecuniarum, debiti & accepti honorarii. *Dom.* Si de exponendis pecuniis audio, dura mihi videtur conditio Procuratorum. *Sub.* Credo, ut adeo sit mirum, esse quotidie, qui titulo Advocati vix biennio otiosè gesto, ad numerum recipi velint. Auditur jam hora undecima quâ redire me oportet ad fores Cancellariæ, quæsitum, an num aliquid decretorum adsit ad supplicas quas præteritis diebus & hodiè, ut vidisti, Notario ordinario, quem hebdomatarium vocant, protocollo rerum exhibitarum inscribendas, & ad Senatum deferendas tradidi. *Dom.* Abeamus ergo. *Sub.* Vides hic nomina Procuratorum proscripta, quibus decreta hodie data fuere in Senatibus. Hem ! adfunt pro meo aliqua, quæ jam sum petiturus. *Dom.* Utinam sint tibi exoptata ! *Sub.* Unum saltem satisfacit, cetera sunt dilatoria. *Dom.* Ego nullum video decretum in Supplicâ de quo adeolâteri videris. *Sub.* Unum verbulum, quod hic vides *Erkandt*, in *Consilio*, addito die hodierno, sufficit :
Hôc

Hôc enim , toti petito Judicem annuiffe , indicatur , & est Mandatum sine clausulâ à cliente valde desideratum. *Dom.* Dicebas reliqua decreta esse dilatoria ? *Jub.* Sunt aliqua prælocutoria , ad aliquid ulterius producendum , aliqua literas informatorias à Judice inferiore requirunt , qui modus hac tempestate plus quam olim frequens , cum primis in Appellationis processibus , Procuratoribus non satis placet. *Dom.* Quamobrem ? *Jub.* Una est ratio , quod appellans non expectare possit literas à Judice appellationi faventes , altera , quod Judex inferior pronus sit ad executionem si animadvertat superiorem Judicem de appellationis necessitate dubitare. Sed huic rei est remedium : crastino die petendum , ut annectatur *temporalis inhibitio*. Tertia , quod si hac ratione causæ terminentur , non multum habeant agendum Procuratores : ut taceam sumtus appellanti erogandos pro literis informatoriis , & Advocato pro elaborandis refutatoriis. *Dom.* Certusne es de *temporalis inhibitione* ? *Jub.* Experiri licet. Si denegatur , apud Judicem inferiorem tentandum , annon mora imponi possit. Si est discretus , ipsis literis superioris pro informatione , quibus suspendi saltem appellationis processus videt , inesse eam vim arbitratur , ut , donec de superioris ulteriori decreto constet , ab executione absteineat. Ecce aliud decre-

rum in quo Patronus meus uno floreno mulctatur , ob non additam supplicæ sententiæ instantiæ primæ , cujus illa à quâ appellavit est confirmatoria. Sanè defectum hunc scivimus , sed restituet hunc florenum cliens , qui cum reliquis necessariis transmitti non fecit : Interim exhibenda fuit supplica , ne fatalia laberentur , neque inutilis est mora , quia culpa facilè in Advocatum rejici potest , interim favore appellationis fatalium prorogatio obtinetur *Dom.* Eujusnam manu scribuntur hæc decreta , credo DD. Assessorum & Referentium ? *Jub.* Minimè , sed Notariorum Cameræ. *Dom.* Suntne hi scribæ Judicii ordinarii ? Nulline Secretarii ? *Jub.* Olim alii erant Secretarii , alii Notarii , sed jam dudum hæc officia sunt conflata , ita ut Notariorum Cameræ munus sit idem quod Secretariorum. Quemadmodum autem in aliis Dicasteriis varii sunt Secretariorum ordines , ita apud nos Notariorum. Alii Protonotarii , quibus incumbit expeditio processuum decretorum , sententiarum publicatio & in Audientiâ publicâ unus ex Protonotariis quem ordo tangit , ad mensam Notariorum supremo loco sedet. Tum etiam protocollorem pleni cura. Alii sunt Notarii speciatim ita sic dicti , qui vel in Senatibus deliberationes audiunt , vota & decreta protocollo inserunt , vel in Cancellaria supplicationes recipiunt ,
in

in protocollum rerum exhibitarum referunt, addito die & anno : Easque distribuendas quotidie ad Dnm. Judicem deferunt. Hi inter se quavis septimana officia partiuntur & ideo vocantur hebdomarii, omnibus verò præest Dnus Cancellariæ Præfectus qui munera obeunda Cancellariæ personis omnibus distribuit, eosque ad officia facienda, ubi opus, admonet, & corrigit. *Dom.* Quare nominaſti Notarios ſpeciatiſſima dictos ? *Jub.* Ad differentiam reliquorum Lectorum ſive Archivariorum qui etiam Notarii creati ſunt, quorū tamen eorum munus eſt neque in Cancellaria neque in Senatibus. Sunt etiam inter reliquas perſonas Cancellariæ aliqui Notarii creati. Poſteſt aliquis eſſe Notarius Camerae ſive Secretarius, qui tamen non eſt Notarius per Comitem Palatinum creatus. Horum officium non eſt, niſi ſint requiſiti. Camerae Notariorum eſt conſtans, ſcit unusquiſque, quid ſibi quotidie agendum incumbat. *Dom.* Audivi aliquando denominationem Notarii ſimplicis quam intelligere vellem ? *Jub.* Dicitur Notarius ſimplex qui à Comite Palatino eſt creatus & in matriculam Notariorum Cameralem non relatus, hoc enim fieri non ſolet, niſi prævio examine accuratiori doctrinae in tali officio jam tum probatae per exercitationem. Fit autem hoc examen per duos ex Dnis Aſſeſſoribus ; *Dom.* Ergo innumeros habet Camera Imperialis

rialis Notarios , quotusquisque enim est qui studiis
 suis confisus , ad matriculam referri non exoptet.
Jub. Videristu mihi existimare quod Notarii ma-
 triculae inscripti sint iidem qui Notarii Camerae.
Dom. Certè hoc putabam , ergo clarius me doce
 differentiam. *Jub.* Notarii matriculae inscripti exa-
 mine prævio (quod etiam fieri potest per Com-
 missarios si petens matriculam sit absens, factâ ab iis
 relatione cum testimonio bono) non habent idcirco
 officium aliquod in Camera, aut Cancellaria, hi enim
 sunt numero tantum sex aut pauciores , sed ma-
 nent in patriâ suâ vel alibi ubi ex studiis vivere pos-
 sunt. *Dom.* Ad quid igitur matricula ? *Jub.* Mul-
 tum omnino. Primo , ad testimonium doctrinae ,
 deinde ad majorem fidem in officio , nam pluri-
 buitur instrumento vel testimonio Notarii imma-
 triculati quam simplicis. *Dom.* Quare hoc , puta-
 bam à Comitibus Palatinis etiam examinari & jure
 jurando obstringi ? *Jub.* Id quidem est verum,
 Sed quemadmodum interest inter Comitem Palati-
 num & Comitem Palatinum , ita inter Notarium &
 Notarium. In Camera Imperiali major debet esse
 rerum certitudo , doctrina mores & exercitatio per-
 specta. *Dom.* Nondum satis didici ordinem quem
 tenent Notarii Camerae inter se in Cancellariâ &
 Senatibus. *Jub.* Qui in Senatu sunt à manibus proto-
 col-

colli , in Cancellariâ alios labores non habent , satis occupati ad protocollo ordinatè conscribenda , si procrastinare aliquid nolint. Fides protocolli debet esse in concussa. Et hi non faciliè mutantur in Senatibus. Ceteri in Cancellariâ labores habent distributos & horum unus dicitur hebdomatarius , ceteri alias habent occupationes. Ille qui in Senatu est , co finito supplicas cum decretis inscriptis deferret ad Cancellariam ubi per hebdomatarium traduntur Procuratoribus vel amanuensibus. *Dom.* Ita vero per notam manum Notarii faciliè est scire ex quo Senatu decretum aliquod prodierit ? *Jub.* Imo verò ille Notarius qui in Senatu fuit decretum inscribit tantum illi exemplo supplicæ quod in Cancellariâ asservatur (duo enim exempla cujusque supplicæ semper sunt exhibenda à Procuratoribus) alteri quod Procuratori traditur , inscribitur decretum manu hebdomatarii , cui nequidem , ut audivi copia datur protocolli Senatus inspiciendi. Sed nescio an Notarii semper adeo sint tenaces inter se ipsos. Erga Procuratores sunt plerumque nimium , ut citius clavam ex manu Herculis extorferis , quam ab his quidquam quod scire nobis foret utile. *Dom.* Quam felices sunt Notarii quibus aditus datur ad Senatus , qui deliberationes audiunt & in utilitatem suorum studiorum convertere possunt quæ didicerunt !

Jub.

Jub. Omnino. Et ego si contigisset mihi in juventute tale officium non optassem præstantius. Sed sciendum est eos tantum fructus capere, qui fundamentis Jurisprudentiæ solidis non sunt destituti, atque ad altiora officia adspirant. Si per aliquot annos officio Notarii sunt functi, de promotione ulteriore ad alià officia sunt certi. Qui verò aliud non desiderant, contenti sunt, si qualitercunque munere fungi possint. Stetimus satis in hoc angulo plateæ, pergamus si placet, prætereuntes enim credent nobis hic nescio quid rei esse. *Jub.* Placet: *Dom.* Quem numerum studiosorum video nobis obviam venientem, crederem esse hic aliquem Professore à cujus Lectione ipsi veniunt. *Jub.* Similitudinem habet aliquam. Et habitat hic aliquis Doctor qui adventantibus solet ex Blumio processum Cameralem exponere. *Dom.* Est ne is solus qui in ea re adjuvat studiosos? *Jub.* Sunt etiam alii ex Advocatorum & Procuratorum numero, qui petentibus & non ingratis ea in re officium præstant. *Dom.* Audi vi sæpe Giessenæ, quod ex frequentatione musæorum Procuratorum magna capiatur utilitas: Si acta integra Cameraalia non sunt penes Procuratores, quidnam discitur in musæis? *Jub.* Vident, quibus aditus permittitur, Protocolla, & modum recessus componendi,

di, supplicas formandi aut in ordinem redigendi, brevi ? *Schlendrianum* forentem. *Dom.* Sæpe de hoc Magistro audiui, vellem & ego eum audire. *Sub.* Poteris si volueris, sed jam est prandii tempus postea Audientiæ & componendæ mihi sunt Tabellæ siue Designationes Recessuum, redibis si placet horâ primâ, & comitaberis me ad Audientiam, in quâ cliens aliquis noster Judæus, Juramentum publicè præstabit. Non ipse quidem sed per alium Judæum qui ordinarius esse solet Mandatarius, & satis obduratæ frontis. Neque enim Christianus à Judæo mandatum ad jurandum accipit. Indigna res foret jurare, etiam mandatario nomine eorum qui, non verentur pejerare si agunt adversus Christianum : *Dom.* Non sanè negligam hunc actum observare. *Sub.* Scis jam ubi meus sit locus, ubi tuus, finitâ audientiâ quæ hodie est ordinaria, i.e. sine sententiarum publicatione præsentē Dno. Judice, observata abstercebis. *Dom.* Quidnam hic ex fenestrâ Auditorii, per Pedellum in publicum proclamatur ? *Sub.* Bene hoc observas. Proclamata quæ audisti hodie adversus non parentes in sententiis decerni, per pedellum proclamantur : *Dom.* Quibus verbis ? Nimum festinanter loquitur iste. *Sub.* Repetit sententias singulas, proclamatum e.g. *In Sachen N.*

wieder N. Citat. ist das ruffen hiermit erkant, & addit pedellus ad unamquamque verba sequentia: *zum ersten, zum andern, zum drittenmahl. Dom.* Quis effectus hujus rei. *Jub.* Ut in contumaciam contra reum procedatur sià die publicatæ sententiæ intra dies sex Audientiarum non compareat. *Dom.* Si ergo hoc sciunt Procuratores, quare non comparent in tempore *Jub.* Si mandatum non habent, comparere non possunt. Si habent, interest quandoque magis florenum, qui Pedello debetur, pro proclamato exsolvere, qua ratione purgatur contumacia, quam ante publicatum proclama comparere *Dom.* Vidi & audiui res quas nunquam alias didiceram. Observavi actum juramenti Judæi, meministamen me audivisse Judæos jurantes consistere debere in corio porci, quod tamen hic non vidi, *Jub.* Ad antiquas fabulas hoc pertinet, hæc quæ vidisti, & non alia solennia observantur. *Dom.* Mira sunt mihi ista omnia. Allocutio Protonotarii, responsio Judæi, quam tamen ubi maledicti nominantur, non erubuit effari: quod caput pileo tegat: denudatum brachium, decalogo Hæbræo imponens, & reliqua. *Jub.* Ita res est, & lege Camerali verba omnia sunt præscripta, quæ tibi hic legenda evolvam: ceterum istos clientes non ægrè ferimus, quia largius solvunt, & promptius.

Dom.

Dom. Observavi præter confessum solennem ,
 Dn. Judicis & quatuor Dn. Assessorum reliqua o-
 mnia esse eadem quæ nuper fuere à me notata. *Jub.*
 Rectè dicis , neque alius esse modus debet. *Audisti*
 tamen aliquas sententias publicari : Actorias , pro-
 clamata & alias levioris momenti , definitivæ enim
 ad solennem publicationem reservantur. *Dom.*
 Audiui , sed oblitus sum sciscitari , num iidem Asses-
 sores publicationi , vel solenni vel minus solenni , adside-
 ant , qui fuere sentiarum auctores vel earum causarum
 referentes *Jub.* Minimè nisi id fiat ex accidenti , nam
 non alii Audientiæ adsident quam quos ordo tangit ,
 quem observare & monere , officium est Pedelli. *Dom.*
 Putarem istas circumcursationes auscultantium ,
 & colloctiones corrigi debere. *Jub.* Collocutio-
 nes fieri submissâ voce , reverentia exigit , circumire
 oportet , nos cumprimis , quia habemus cum aliis
 Procuratoribus communicanda. Id tamen ne fiat cum
 strepitu , monet quandoque Pedellus jussus ab As-
 sessore præsentè. *Domit.* Audiui aliquoties Pro-
 curatores se invicem interrumpentes inter peroran-
 dum , putabam id decorum non esse. *Jubens.* Inter-
 ruptiones istæ indiscretæ valde displicent Procurato-
 ribus senioribus & optarunt à Superioribus modum
 poni. *Dom.* Qualem verò modum? *Jub.* Aliquan-
 do recessui cuidam contradicitur è vestigio , & qui-

dem verbis brevissimis, quod est tolerabilius, & in-
hæret alter suo petito per vocem *Priora*. Pro-
lixiores recessus ad calamum dictari ægrè ferunt &
Assessores & Notarii. Alia irrepsit consuetudo inter-
rumpendi, quando forte seniorum aliquis absens ju-
niorem substituit ad recessum publicè legendum.
Cum itaque unusquisque in suo ordine etiam per
substitutum, audiatur, accidit sæpius ut junior ille
substitutus alium seniore, qui vix perorare in-
coepit, interrumpat : *Pro Domino Doctore N.* Huic
rei inprimis remedium foret adferendum. *Domis.*
Explica quo modo ? Jubent. Aut ipsi juniores
Domini, si ab aliquo seniore rogati sunt ad legendum
pro ipsis recessum, deberent hoc maturè indicare,
non verò expectare dum aliquis ex sequentibus in
ordine assurrexerit & dicere incoeperit, quid inde
interpellatus, audito nomine Procuratoris in ordine
præcedentis, confestim, & cum rubore aliquo,
retrahere orationem suam debeat : Aut rogandus
foret vicinus Procurator præsens, qui vicinum sta-
tim monere possit. Sed ut nuper, ni fallor, dixi,
substitutiones tales plerumque junioribus deferun-
tur, quos proinde meminisse oportebat ut cave-
rent, quod ipsi fortè ægrè essent lataturi. Tandem erit
expectanda lex à superioribus. *Dom.* Iuramenta appel-
lationis à sex Procuratoribus una vice, præeunte verbis Af-

Affessore, præstari observavi. *Jub.* Ita fieri solet si plures sint qui Processus appellationis reproduxerint. *Dom.* Vidi aliquem prodeuntem, & Assessore sceptrum porrigente, hoc manu tangere, confestimque ad suum locum redire? *Jub.* Cautio sic præstatur judicialis de producendo mandato Procuratorio. *Dom.* Nihil tamen auribus percepi de hac cautione. *Jub.* Hoc inde est, quod recessus celerius, & à nonnullis voce magis quam quæ exaudiri possit, submissa, recitantur. *Dom.* Hoc verò quare non corrigitur. *Jub.* Quia hominum mores sæpe corrigi nequeunt. Finienda est hodie nostra conversatio, quia in audientiâ hodiernâ magnam copiam accipi recessuum adversariorum, qui protocollo inferendi. *Dom.* Gratias tibi debeo pro amicâ informatione. Vale igitur quam optimè, amantissime mi Jubenti, & favere mihi perge.

COLLOQVIVM

TERTIUM.

JUBENTIUS. DOMITIUS.

Jub. Salve Domiti, putabam te ex viciniâ discessisse, cum per semestre fere spacium abs
K 3 te

te nihil litterarum ad me pervenerit , nec tu ipse huc advolaveris. *Dom.* Salvum te esse læ-

tor , exoptatissime Jubenti , quem invisere non neglexissem , nisi fuisset per crumenam impeditus.

Ad epistolas autem scribendas meministi olim , studiosis non multum superesse temporis à Collegiis , à lucubrationibus , à prandio , ab exercitiis , à deambulationibus &c. &c. *Jub.* Vidêris mihi solito pallidior , neque commodâ uti valetudine. *Dom.*

Equidem non puto , & benè me valere hesternâ dies docuit , quâ non nihil crapulæ expertus sum , reversus domum à sodalibus. Opus enim habent alternâ requie lucubrationes. *Jub.* Suspicor in convivio anniversario. *Dom.* Equidem de tali convivio nihil scio. *Jub.*

Moris esse dicitur ut in die Martini Studiosi honorarium aliquod extraordinarium conferant iis , quorum mensâ utuntur , pro quo vicissim excipiantur convivio. *Dom.* Dum ego fui Gieslæ talis convivii non memini. Ajunt jussu Principis morem esse sublatum. Quidquid sit ejus rei , studiosa juvenus legem sibi ferri non patitur ne ipsi inter se convenire velint & quandoque , ut eripiantur curæ , juxta Poetam *Ovidium* , compotent. Sed ut mei adventus causam tibi amice exponam , subripui ego heri inter pocula alicui ex commilitonibus manuscriptum aliquod lepidum

sub

sub titulo *Schlendriani*, quod per incuriam ex veste ei excidebat. Hoc tecum communicare volui, cum in novissimâ nostrâ confabulatione *Schlendriani* feceris mentionem. Putavi itaque in Thesaurum incidisse, cujus sine alterius damno, nescio an etiam sine invidiâ, possim fieri particeps: Nam retinendi animum non habeo, sed domino suo restituendi, posteaquam exemplum mihi confecero manu meâ. Et faciam citissimè, dummodo abs te didicerim qualis scripti possit esse usus & an ei turò sit fidendum. Ego quidem observavi in Lectione fugitivâ, multa quæ ad Praxin Cameralem pertinent in eo contineri, sed dubito, an auctor gratiam magnam à Dnis Procuratoribus sit initurus.

Sub. Quod tu mihi tanquam novi quid adfers, ego jam dudum vidi, & auctore, dum hic esset, usus sum familiariter. Is Procuratori nulli erat addictus, sed numerabatur inter eos, quos vulgo Practicantes vocant, id est Studiosos, qui addiscendæ Cameralis praxeos gratiâ hic commorantur, quorum quandoque sunt tot vel plures, quam in vestrà Academiâ. Iste vero Franckenbergius (ne putes fortè esse Pseudonymum) juxta solidiorem doctrinam Jurisprudentiæ, studiis etiam elegantioribus à juventute erat imbutus, &, quæcumque poterat, rimabatur, Accessum sibi ad musæa Procura-

curatorum paraverat per commendatitias litteras ,
 sed , cum curiosior esset , quam ipsis placeret , non
 semper acceptus erat ejus adventus . Aliquoties à
 me monitus fuit , ne scrutaretur nimium , quæsci-
 re necessarium non erat , sed ipse arte sese insinu-
 andi non destituebatur : Sunt enim , quos abesse
 mallems , quibus tamen vel aditum præcludere ,
 vel eos expellere honestè non possumus . Tandem ,
 ut erat ingenio felici , informatus , quantum sibi
 opus esse crediderat , discessit , & jam in patriâ
 officio publico fungitur . *Dom.* Optassem itaque
 ut in præcedentibus conversationibus nostris hoc
 scriptum non celasses . *Jub.* Equidem non celavi ,
 sed tibi adhuc utile fore non credidi . Posset enim
 quis , nisi scopum Auctoris intelligat , eo malè uti .
Dom. Mihi videtur esse satyra magis , & in de-
 trimentum eorum , qui causas tuentur , compo-
 situm . *Jub.* Ita putabunt qui de re ipsâ , sicutitu ,
 informati non sunt . Abusus foret istius schedia-
 smatis insignis , si quis ea , quæ Auctor ceu regu-
 las Schlendrianicas tradidit , imitanda esse credide-
 rit . Is enim scriptionis scopus nequaquam fuit &
 habendæ gratiæ Auctori , quod novitios ab erroribus
 revocaverit , methodo hâc arbitrariâ . *Dom.*
 Annon igitur ista , quæ ibi narrantur , in ipsis re-
 rum argumentis obtinent ? *Jub.* Imperitè quæris
 mi

mi Domiti. Quotusquisque enim est ex nostratibus Dominis Advocatis & Procuratoribus, qui officii sui dignitatem & rationes non calleret longè rectius : Ego planè aliter sum persuasus , & meliora experior quotidie. *Dom.* Qui sit ergo, ut ab Auctore Ischediasmatidis hæc quæ reprobanda magis essent, tanquam regulæ instructivæ tradantur? *Jub.* Ex trivio meministi haud dubiè, quid sit figura Rhetorica , quæ dicitur Ironia. Scias igitur , Auctorem scripti isto modo docendi, quo olim Erasmus Rotodamus & alii feliciter usi sunt , vivis coloribus ea depingere voluisse , quæ vitanda potius, quam imitanda esse putaverit. *Dom.* Putarem ego Auctorem parcere debuisse verbis , ne de Advocatis & Procuratoribus aliter quam par est credant de rei veritate non satis edocti. *Jub.* Malè omnino judicas. Officium Advocatorum & Procuratorum Auctor non descripsit , sed , quod tale non sit , vel esse debeat , dicere voluit. Fallentur etiam maximè, qui sibi imaginarentur , consilium Auctori fuisse , detegere ea , quæ ipso facto ab Advocatis & Procuratoribus fiunt. Aliud enim monstrat scripti titulus. *Dom.* Explicationem pleniorẽ hujus rei abs te expecto. *Jub.* Observavit Auctor , & sæpe in familiari colloquio mentem ejus intellexi , multos ex Studiosis Wetzlariam venire , fundamentis Jurisprudentiæ non satis imbutos. Error enim est fre-

L

quon-

quentissimus, praxin forensem, Cameralem cum primis, addisci posse sine solida Juris cum civilis tum publici Imperii doctrina. Praxis sine fundamentis theoreticis similis est Charletaneriaz, hac enim, à Gallica lingua mutuo sumta voce, insignire voluit eruditorum ~~imperator~~ celebris nostri temporis Polyhistor. Theoria sine Praxi proxime accedit ad Pedantismum, quem descripsit Ulricus Huberus, Jctus eximius Frisicus. Cum ergo multi Studiosi ea, quæ externè fieri observant, pro captu suo intelligant, incidunt facilè in errorem duplicem: Unum, ac si in externis istis officium Procuratoris consisteret, & nihil esset facilius quam tali munere fungi: Alterum, quod ea, quæ fieri audiunt, animo lites protrahendi accidant, qua in re male omnino judicant. Hos errores Auctor Schlendriani stylo ironico notare voluit, eo fine, ut Practici novitii ad solidiora discenda incitarentur, & in istiusmodi modis agendi boni Advocati & Procuratoris officium non consistere, imo summopere vitanda esse intelligerent. Dom. Nihilne eorum actu fit, ut descripsit Frankenbergius? *Sub.* De occultis respondere non possum: Si quid accidat, & incautè, ut intelligatur, poenam secuturam certum est. Si apertum non sit, in meliorem partem fiet interpretatio. Externa species imponere non debet. Consilio malo non fieri, credere libenter volo. De meo Pro-

Procuratore facilius adhuc spondere possem. Et de plerisque quos propius nosse licuit, licuit autem plurimos, scio quod alia plane sunt industriâ & doctrinâ viri. *Dom.* Videor mihi jam ab errore, in quo fui, liberatus esse. Credo tamen hac ratione plura reprehendi potuisse vitia *Seblendrianica* quæ Auctor prætermisit. *Jub.* Nullum est dubium, Si cujus mentio nusquam est, se dolet excludi, properet, saterit locus illi. *Dom.* Versusne, tu loqueris ex tempore? *Jub.* Minime, sed memineram hic versuum, in fine libri cui titulus *Navis Stultifera*. Eum ex amici bibliotheca perlustrandum accepi: Inspice si placet: *Dom.* Et literarum & imaginum ligno incisarum forma, antiquitatem libri indicant: Auctoris nomen non video neque annum editionis. *Jub.* Animadvertet tituli partem supremam ab imperitis, forte pueris quibus imagunculæ monstratæ, esse laceratam, sed tamen adhuc conspicuum nomen Auctoris *Sebastiani Brand* (latine vocabatur *Titio*,) *Argentiniensis* & *Reipublicæ patriæ Proto-Cancellarii* cujus latides ex *Pauli Langii Chronico Citicensi* repetiit *Herzjus in Bibliotheca Germanica num. 1218*. Tradidit autem Philosophiam moralem ea methodo, ut vitia hominum tanquam Stultitiæ plena in unam compingeret navem, Opus Vernaculæ linguæ versibus conscriptum, ab aliis Latinitate donatum varioque carminum elegantissimorum genere illustratum fuit, prout hic

L 1

vides.

vides. *Dom.* Annus quem in fine libri jam deprehendo MCCCCVI. videtur esse suspectus, nam eo tempore artem typographicam nondum coepisse in Germania memini me legere in *Historia literaria Struvii*. *Jub.* Nisi de vita & morte *Titionis* constaret aliunde, vivere enim desiit Anno 1521. putandum foret, more typographorum veterum non referri annum editionis, sed absoluti operis manuscripti. Ast, cum Auctor Anno 1406. nondum fuerit natus, dubitandum non est, errore typothetæ positum esse annum MCCCCVI. pro MCCCCCVI. *Dom.* memoratu digni sunt versus in titulo :

Quaquam Stultifera mihi vox est indita navi,
Sana tamen tuto mens mea vela leget,
Non etenim docco quemque insanire, sed hortor
Et moneo in sanum &c.

Jub. Pariter Frankenbergius non docere voluit quemque Schlendrianice agere, sed monere juvenes, hanc non esse viam, & praxin quam sibi forte imaginantur. *Dom.* Quid ergo tandem erit *Schlendrianus*, quem ubique locorum nominari & commendari audio, operam dandam esse, ut Schlendrianum addiscamus : in existimatione esse, qui eum bene noverit. *Jub.* Verum dicis, vulgo & commendari & laudari, sed sciendum tibi est, fieri hoc non eodem ab omnibus sensu, diversa quoque esse hominum & studia & ingenia. Commendant sæpe aliqui laudantque aliis, quod, quid sit, ipsi nesciunt : Aliqui consilium dant pro ratione

tione ingenii ejus , qui petit. Est enim , quod dolendum , tanta hominum copia qui legum studio vitam sustentare volunt , ut non possit non fieri , quin major numerus sit eorum , quorum profectus infra mediocritatem manent ; paucissimi ad solidiorem scientiam adscendant. Illi , si Justinianum acculent , se ipsos culpae potius deberent , quod , priusquam ad studia liberalia accesserint , suas ingenii vires in examine non habuerint. Hinc accidit non paucis , ut contrarium experiantur , quam quod Justinianus Cæsar in epilogo Novellæ primæ sperare jussit , si cum vulgo textum hunc de studio Legum in genere , accipere liceat. *Dom.* Discursus tuus me fere poenitere faceret incoepti studii juridici. Obfirmabo tamen patientiam. Tu vero , amice , quem tenere debeam verum de *Schlendriano* intellectum explicare memento. *Jub.* Faciam libenter , quantum possum. Ante omnia cavendum , ne intelligantur artes Rabulariæ , quam acceptionem reprehendit Schediasmatis Auctor. Eæ enim honestos viros non decent , & nullus est Dn. Advocatorum & Procuratorum Cameræ , qui tales non aversetur. Si ullibi , certè hic loci , severa foret in eas animadversio. Semper habuit , & adhuc habet Camera Imperialis in Procuratorum ordine viros doctos , tanto Judicio dignos , quorum complures , & inter eos meus quoque Patronus , honore &

titulo Consiliariorum ab Electoribus, Principibus, ac
 Statibus Imperii sunt insigniti. Est inter eos, quod non
 diffidendum, inæqualitas: Sed quot usquisque est, qui
 æqualitatem ingenii, studiorum, morum, omniup-
 que agendi rationum &c. quæsi verit in quocunque
 collegio? Deinde, deponendus est sensus *Schlendriani*
 vulgaris, in nudis externis formulis
 earumque imitatione qualicunque, vel potius abusu,
 consistens. Hunc risui habuit Franckenbergius.
 Tertio, si uti velimus isto vocabulo, plebejo ma-
 gis, quam ad doctos pertinenti, nihil aliud signi-
 ficare puto quam scientiam applicandi promptè in
 ipsa praxi, regulas & formulas receptas atque proba-
 tas, atque cum iudicio. *Dom.* Hæc autem tua
 descriptio longe aliter se habet, quam Francken-
 bergii. *Sub.* Franckenbergius in Schediasmate ta-
 lem dedit descriptionem, qualem juvenes Imperiti
 vulgò sibi imaginantur, non qualis revera esse de-
 bet. Ut dicam, quod resest, doctrina & peritia styli
 id ipsum est, quod *Schlendrianum* appellant. Vi-
 tio & imperitia hominum factum est, quod rem
 planè necessariam, stylum judicarium puta, vo-
 cabulo contemptibili *Schlendriani* insigniverint.
 Credo id factum ab iis, qui tales sunt, quos Au-
 ctor Schediasmatis reprehendere voluit, h. e. qui
 imperitiam calliditate quadam obtegere didicerunt,
Dom. Optarem ut similitudine aliqua hoc illustra-

res ad captum meum accommodata. *Sub.* Dī-
dicistine aliquando Geometriam? *Dom.* Fuit à juven-
tate meum delectamentum. *Sub.* Probè. Et quam
insigneū præbeat usum in omni disciplinâ non du-
bitant nisi qui studio isto imbuti non sunt. Cir-
cinum tractare haut dubiè fuisti doctus. *Dom.* In-
jueundum foret hoc studium sine exercitio circinî.
Sub. Id quidem fit in musæo super tabulam vel
chartam. Sed si in campo aliquid peragendum ti-
bi esset ipso opere, si jubereris regulas architecto-
hicas quæ geometrico studio innituntur, ad praxiā
deducere, auderetne id peragere sine periculo. *Dom.*
Minimè, quia nondum expertus sum: *Sub.* In-
telligis jam differre scientiam regularum, vel in legi-
bus traditarum, vel *styli*, quâ voce designantur regulæ
usu probatæ, non scriptæ, à peritiâ iis in ipsa praxi uten-
di. *Dom.* Hoc benè capio. *Sub.* Ergo hæc peritiâ scite &
promte tractandi negotia, cum primis quoad externa,
vocatur *Schlendrianus*. *Dom.* Disco jam multa,
antea non audita. Si rectè tua verba percepi, stylus à
Schlendriano non differt, nisi in peritiâ adplicandi:
Sub. Rectissime. *Dom.* Sine doctrina Jurisprudentiæ
nullius est pretii notitiæ externarum formularum. *Sub.*
Optime. Et cum stylus judiciarius non sit absque
ratione legitimâ, hanc qui ignorant, nequidem
stylum scire crediderim. *Dom.* Qui ergo doctrinâ est
præditus, huic notitiâ styli, qui ab observatione dili-
genti

genti & exercitio dependet, non multum facesset laboris? *Sub.* Bene judicas, *Dom.* Et facillè poterit pro diversitate negotiorum casuumque occurrentium formulis uti, vel novas condere proprio Marte, observatis præceptis generalibus: Et omnia quæ sunt externa, pro re natâ adhibere eaque moderari, *Sub.* Egrediè remtenes, *Dom.* Ego itaque Jurisprudentiæ operam dabo sedulo & spero me evasurum bonum Schlendrianum, *Sub.* Optimè facies: & experieris insignem utilitatem, *Dom.* Conversationem hodiernam habeo quovis convivio cariorem. Revertar nunc domum, commilitoni meo scriptum restitutus, dataque occasione alios etiam ab errore revocaturus, *Sub.* Recte facies. Vale.

F I N I S.

ERRATA TYPOGRAPHICA CORRIGENDA.

Pag.	linea	legendum.
10	6	hos Schlendrianos potius
	9	erigere
	11	pertinet
13	13	conscriptis
14	11	erige, in eum ceu
	13	imitaberis
22	10	secundâ
26	12	moratoriis
	11 & 13	petitum
29	8	tribus
38	1	nolli, & his præceptis,
48	<i>Cusfor</i>	Minime
49	21	partis
55	3	exarandi,
57	21	ut audio, de doctrina lis moverur.
58	6	<i>Delenda vox:</i> quam
69	11	quorum tamen omnium
70	11	sunt pauciores
73	14	eorum, qui non
79	<i>peculi</i>	imbutus, & quæcunque
80	48	sunt.